

紅白花傳

紅白花傳



紅白花傳

目錄

兩才子共詠兩花色

雙美人私結雙捷約

兩媒婆各評春風面

老中丞不諒兒女情

好因緣作惡因緣

無情語成有情語

觀詩句觀破閨闈心

因軍務約為秦晉好

翠香閣擇婿

大板橋作媒

女子安展作序手

才相如弄求鳳調

迫事勢不得已從命

露手脚故為此遁辭

冷伉儷灑血涕淚

生面目爭真姓名

發書絨似夢新覺

薦禁嚮以德報恩

合卺宴才貌三團圓

探花郎紅白兩奇絕

紅白袍傳

兩才子共詠兩袍色 雙美人私結雙捷約

大明成化年間河南府洛陽縣聚星村有一介書生姓桂冬榮其名也自少時學問宏偉文章卓越七子以下蓋眇視也自謂取青紫如拾地芥而前途畸躄覺鬼神榆柳屈首就試終未成名乃喟狀而嘆曰貴賤命也非人也窮達數也非我也東堂射策白髮非時北闕上書青雲難期吾子拙於十丈狂塵之中擺落世緣脫畧俗務以求為廬以風月為伴優游蔓衍以送餘年豈不樂哉於是命小溪策蹇駢趺宕於崇山小室之間嘯傲於伊闕竜門之上或竟日忘故終歲不返足跡所遍不啻三十六名區而已或在家之時則靜處士室杜門謝客觀詩獵史憂與忘寓隣里不得見其面賓從不得尋其蹤以此人或稱之以處士或呼之以山人、、以與同郡人荀景華為同榻之友一巷南北居止區側出入必偕起居與同真石交也俄而升沈各異雲泥遽隔荀公青年得第遂顯於朝山人竟坐落拓遊方之

外惜乎一榮一枯豈非造化兒處分也歟兩人皆納羔於陳氏之門蓋友婿
而荀夫人兄也桂夫人弟也兄弟二人俱有婦德鄉黨宗族以皇英二妣
比之而兩夫人移天之後未獲螽斯之慶方以為憂三十後一時懷妊桂夫
人臘月生男荀夫人翌年元月生女兩兒雖有男女之異而永玉之容只
水月之精神正若一卵之鎔成少無錙銖之參差見之者指以為兩顯明珠
桂家子名一枝荀氏女名織素一枝未離襁褓桂夫人不幸病沒荀夫人不
忍同氣之痛且憐一枝之孤子即章往家中膝置乳養與織素無間焉
徃悲哀之至撫頂而言曰此兩兒齒較一歲只亦相同當待其成長俾結
溫太真玉鏡盒之緣以慰亡弟之靈兩兒日漸豐盈鵲頭犀角婉孌岐疑
聰慧出天穎銳超倫荀公夫妻益奇愛之試教文字一聞即解讀輒誦
識奇才利兒也荀公欲究其業遂送兩兒於桂山人家專精受書刻苦意微
工才華日進文思潮湧摘操則燁燁三三之靈芝吐辭則噦噦三三之鳴鳳
雖老師宿衲瞠乎下矣加以丰容秀色俊彩嬌艷媽狀若紅蓮之並吐皎狀若玉樹之交映信

所謂兩箇才子一雙美人也。兩人聯裙於筆硯之中，並武於几席之間。婆婆
 娛戲情意相孚密通，追隨心肝無間。自以童騃之年，雖無私昵之情。兩家婢
 僕皆以荀娘稱爲桂娘子，以之相譔焉。織素未滿十歲，荀夫人奄患危病。而
 沉篤將不能復起，遂邀荀公垂涕而言曰：妾獲戾于天，既無男子，只有幼稚
 妾而長成之期，迫切相送，婚嫁之禮已矣。莫道天稟爲之，妾何言哉！此骨雖
 朽，此眼難忘。表姪一枝家計，雖貧亦字甚富。其爲人殊可念也。惟相公遠
 慮而深思，及其成之人，後即成妻禽之禮，永結兩家之好。婢見萬歲之榮，
 則妾雖不得於身，親見庶幾贖目於地下矣。婢子蘭芝，蕙業兩人，不但於
 織素多有勤勞之功，且忠於所事，一於服役，其誠可獎，其志可惜。至於蕙又
 頗有姿色，端雅淑慎，可奉君子之巾櫛。願相公留爲侍媵，使織素有所依賴。
 蘭芝即令從入任其所適，而必擇賢而育產業者，俾安其生焉。荀公攬涕
 而對曰：當如夫人所言。惟願夫人毋用傷惻以安病心。至於織素，終身大事，余
 何孤負夫人之言？使夫人有所盡傷於冥之中，予慎勿過慮焉。夫人更把織

素之手欲說永訣之情而舌在喉間不能成說是夜遂棄世荀公之悲憾織素之擗踊有不忍見者織素躬執喪礼曲盡情文一如知礼之君子人皆憫其哀毀之過節嘉其誠孝之出天柱父与一枝來到喪次吊哭而故一枝對織素尤不勝哀痛之情自是之後織素遂主家事不出閨門一枝雖或往來於荀家而問候於荀公而已不復与織素相會焉飛光水駛終晷電過織素已十一歲一枝則十二歲矣荀公時為御史中丞在於京師而家屬皆在河南故數請由往來焉適值春之晦日織素告於荀公曰今日即桂父生花甲欲備送酒果以表微誠荀公驚曰我忘之矣遂封礼段一疋美酒一壺時果數咒禽家僮送之仍謂織素曰汝於山人曾有受學之見事之義不可廢也且汝年稍長則出入不便汝須一進其門以盡師生之礼可矣織素承命而退即乘小轎往桂山人家山人時荒角巾携小筇与一枝散步於林園眺賞春光思酒如渴而家貧不能具一杯方有傷哉之嘆家僮忽報曰荀中承老爺送礼段及酒果以及門矣且荀小姐將俺狀至矣父父子大喜使人催促

織素北詣遙前礼拜畢跪達荀公之言山人欣狀者謝謂織素曰汝礼制既
 闋長成如此足以大慰先父之心矣退狀阻澗日月已久想汝文章必長進矣織
 素避席而對曰姪惡積禍叠奄遭巨創頑喘不滅弱質多病曾在草土全
 拋詩史大人所教文字大半遺忘不敏之罪烏可免乎山人仍与一枝織素移席
 於花底飛觴翫花翩有豪興不知月影已在花西矣大抵洛陽凡俗最當祀
 卉而百卉之中以牡丹為第一大而林園小而階砌無不栽種誇多鬪靡每到春時
 香聞十里初唐明皇取各種牡丹列植於沉香亭前与貴妃憑欄同賞命學
 士李太白作清平詞其時以名花比国色所謂名花傾国兩相歡長得君王
 帶笑看者也以此騷人墨客以牡丹為花中之王宋至奇種異品日益繁盛色
 黃者以姚黃為最色紫者以魏紫為宗程紅冠於紅色玉溜甲於白色此外
 小各種不可殫記韶華未謝花事已闌三月將合千林淨盡傷春之游人惜
 花之詞客歎芳菲之已衰感年華之不留駭騎並鑲挈榼提壺廕密葉而
 開筵翳嫩枝而傳盃笙歌闌咽觥籌交錯其繁華之景富貴之像艷

一時而傾千古矣。惟桂山人自是窮反荆棘埋蓬蒿蔽室花未粧園客
不到門既無賞玩之與焉有留連之樂。惟以紅白兩朵栽培於松竹之間
以為寓目之資。蓋從俗尚也。適春寒甚峭未及綻開。是日數三葩始吐。紅者
似朝旭之爛燁白者似夜月之冷淡。灼灼含態燦然帶笑。望之可賞。即之可
愛。山人謂兩人曰。汝輩所作吾不見久。天此花甚美。不可無詩。頃以紅白妝
丹為題各製七言絕句一首。以春光二字分韻可也。兩人應命一揮成。敬進於座
下。山人先取一枝之詩曰

天遣名花冠眾芳。霞旗月珮兩輝煌。紫宸朝罷仙郎醉。玉女催沾粉署香。
山人見罷欣然而笑曰。吾兄之詩頗有富貴氣象。頗無寒慙色態。而末句尤
妙。異日必為金馬玉堂中人。不似乃翁落魄也。次取纖素之詩覽之。其詩曰

各羨風流。羨春能紅能白。掩宜人。應嫌妬。擅東皇寵。叟取雲。伴玉真。
山人見罷大加稱賞曰。姪兒之詩精妙婉曲。盡謝世俗骯髒。鈍渴底意思。末
句不惟鍊思之工。幽閑之態。謙退之意。散於文辭之間。異日豈以詞賦小技

大槩於閨閣而已哉婦德壺範必將垂耀於後世云若論其優劣則姪兒之詩當隔一差矣織素拜謝曰幼稚女兒等閑詩道而迫於公何亦爾制星矣大人不揆鄙拙過賜優獎小姪不敢當矣與一枝互相傳玩相愛相敬惜不能自抑山人醉甚戲謂兩人曰汝輩才只足以相敵不害為佳配賢匹或者天有意而並一時乎曰向一枝而笑謂曰汝孌若在於汝之佳緣或有可繼矣走荀自是俗人豈肯與寒素之家結婚乎終灣白醉倒不省織素遂拜謝而敏一枝臨門相送不能措一辭而別織素改家荀公問曰山人有何語耶織素對曰山人以紅白牡丹為題使桂兄及小女各賦一絕故小女勉強製進矣仍私其詩而告之荀公亦稱引不已又問曰山人見此詩云何織素對曰山人過垂虛獎而過索之言不安於心矣荀公曰更無他語耶織素抵眉含羞不敢發言荀公督令直告織素低聲而對曰欠過愛小女指桂兄而言曰此兒才只真汝之配而荀夫人既已下矣老荀何取於寒士而與汝結親乎必無此理矣荀公冷笑曰老桂倔強之風尚不除矣蓋荀桂兩人自是布衣之交而山人氣豪才俊傲視丘自以

為著鞭名途莫我或先居狀廊落白首無成荀公設軔於亨衢名位焯赫
於穴內懷不服或大談而折之或諧謔而加之荀公亦忌其太倨中心不能無畦
畛矣此後織素年益長不復往來於桂家一枝或到荀家而織素不肯出見
兩人雖不得相會狀信誓于穿心肝洞照只待結縭之期而不復致疑蕙
業等亦每以一枝為吾家郎君而荀公之意落不相應轉如楚越之相視皆
絕晉秦之佳緣一枝始生疑慮忽如失矣思欲一見織素吐露心情而跡涉
嫌疑事多窒碍未得容從之便矣一日之夕路由荀家門外適聞荀公出外
盤馬回徨呼義鬟而詢之曰小姐安在對曰方在芙蓉軒矣一枝尾義鬟而入
門織素正倚東楹曲欄悄狀對月忽見一枝臨階回身迎拜相向而坐倚義
鬟進茶此時則七月之望也婆娑桂影映玉腮而生艷蕭瑟商飈動羅裙
而飄香輕盈之容灼灼之態殆若真仙之下降而能使人三魂迷而双眼眩矣
於是乍啟櫻唇輕吐玉声向一枝而問曰潛耀度嶺新涼襲人不知從何到此
耶一枝對曰為訪親明朝入城裡苦被挽留今始還故而要見賢妹一瀉眉中

五

鬱陶之懷甫織素徐春曰兄何煩惱之心事而必欲與小妹消遣耶一枝始得聞發
口而左右竊恐有聽者聞需未吐脉之而坐織素已知一枝不敢出言乃曰兄若有
欲言之事一遭說破固不妨也小妹雖甚不肖早蒙大兄過愛小而有同窓之
義長而有知己之分何苦屑為兒女子羞愧之態乎一枝乃發言曰既欲陳者
豈有他哉欲知賢妹之意老叔之心也織素曰我元來已知兄致疑於小妹也久矣大
人眷愛小妹殊甚雖過於慎重而察無他意欲知小妹之心與兄之心也何必問而
疑一枝對曰我亦固知賢妹之心與我心一般而但所慮者賢妹父親之心不與我大人之心
相同而賢妹不能自主張也織素良久對曰兄言亦有理也存子之道當盡其
誠心以回父母之心而已此外無他道理或不幸而事不成此心誓不負矣惟兄
毋疑也一枝曰賢妹之心苟若是則何慮之有狀思之於口不如盟之於心思之於
心不如盟之於天此夜明月常照兩入之心指青天以結死生之盟未知何如織素
對曰此則不可小妹聞大信不約自古貞女有為丈夫而死者未聞丈夫為兒女
而死者成此言之後事若不諧則守之者誠為大信背之者當作如何人耶

小妹則將為兄一死以酬知遇之恩即或分內事兄亦將為小妹而死乎大丈夫
行事不可苟也兄言無乃太遽乎一枝謝曰賢妹通達之論非我所及兩人情
緒依依不忍相捨欲起還坐將行復止殊不覺夜將深矣忽聞街鍾已三遍矣
一枝遂別織素各稱萬福而散

兩媒婆各評春風面 老中丞不諒兒女情

是日一枝所訪之人姓呂名邦彥當朝丞相之子飽聞桂生高標絕芸傾心艷
慕願言納交累踵其門輒題几鳥留其名帖而去桂生雖不願交游而者
躬謝禮不可已乃造呂生之門呂生顛倒出迎接對甚款而桂生之心已在雲霄矣
矣桂生定省之餘詩書是伴有時自酌自吟以寓閑情不與人交不求人知故
往三應制不學宮必居首而不肯就試焉呂子以相門貴公子門庭煒燁金
櫺宏麗酒徒碁伴填街滿堂性且不儉多近酒色不曾留意於文字而權勢
所及聲言隨至學宮課試輒居高等人以河南巨擘稱之惟桂生不服更不過
從焉呂生齒長桂生一歲而自以為必求天下傾圉色以為之配不宜輕訖於人

百命家僅入城府招媒婆之有名稱者張王兩婆一時赴召拜賀於呂生曰相公
 之招致老身者必有佳約而欲與之商議也呂生曰韶華將合佳期未定邀
 來汝等者欲問可合之也張婆曰河南自是雄府豪貴之家指不勝屈未
 知相公之意欲求何處耶呂生告指示在汝擇執在吾須歷其最優者而言
 之張婆曰欲掩其宅富冠此府有狝女最賢賤處言之無過於此也呂生曰其女
 子容兒如何張婆曰雖非絕艷亦且靡麗矣呂生曰朕則不可也王婆曰狄叅政
 宅兒子姿之色美當代無雙詩文之才女中第一相公欲得美色非此莫可其
 家計雖不贍以相公之富豈可論財於婚姻乎呂生曰此則似勝於鉄家而
 然子果絕色耶王婆曰狄娘子之色誠絕美而老身等聞絕代之色卒不出焉
 即今皇上所嬖娘亦非稀世之色以天子之貴四海之富尚不能得之況疋夫之微
 乎呂生曰我之所求唯傾國色也若朕則狄娘亦不合於意也王婆大笑曰老
 身等聞見甚狹所謂國色宗未得見而相公夢翻青樓跡遍花林簇粉黛
 而評色倚紅粧而較艷果見妍姿秀色如相公所稱者乎若就名妓美娼

中而論之必若何人之姿色狀後可入於相公之眼乎天津橋畔鄭君步於
娼扉若昔者可謂国色也呂生正色曰昔不過以歌聲擅名而長賴踈豈
可謂之色乎王婆曰千秋門內秦妙娘年是青陽新有聲名公子王孫無不以
眄為幸若妙娘者可謂国色乎呂生笑曰妙娘新隸娼籍人雖輻輳肥魚鈍
質豈可謂之色乎王婆曰鄭媚娘郭重玉李仙卿如何呂生大噉曰此輩即
一隊狐狸也以膏為首以粉為腮何足數也兩婆擊掌而笑曰苟若是則誠
難矣苧羅冷月金谷花殘綰紉之女何處可求墮樓之人已矣難覩相公
若模画絕色佳人以付於老身則當物色求之矣呂生曰欲見面本粵有三
箇真面相想汝輩亦或見之矣兩婆對曰某耶呂生曰其二則洪福寺壁上真道
士所画南海觀音也其三則孟津渡口竜王廟泥塑第三竜女其三則城南聚
星村桂苑子一枝也三絕色中得其一則於我心足矣王婆嶮狀笑曰相公之所望
如此則雖終身求之恐不可得也自古人間有謫降之仙神未聞有謫降之釋伽
觀音元非可論至於竜女即水府之竜女相公即差之古相公所謂風馬牛之不相及

也論其人物則可謂相敵而相公決無柳秀才傳簡之術老身未學孫大聖開
 水之符童女亦言之無益也桂相公造物戲劇假男子之身而稟美之色人
 相公若使桂相公如去年秋間玉心家老鷄之變幻雌雄則相公可娶美夫人
 而此非人所及不必為無益之言也老身等反復商量得一妙策近聞南方之人
 喜為男通相公以權道親迎桂相公以為夫人則夫誰曰不可張婆責之曰汝無
 多談昔彌子瑕不必為衛公之夫人董賢亦未封漢宮之王姬男通之事安或有之
 而人家豈有男夫人乎呂生曰吾嘗思之物之微者莫草木之若也而花卉之有奇而
 麗者則草木亦有絕艷矣物之賤者莫禽鳥之若也而毛羽之有珍而異者
 則禽鳥亦有絕艷矣况稟賦之理男女同得則何必男為絕色而女子之中亦無
 絕色乎汝輩必有聞見而欲吐說於我也張婆曰相公之言是矣女子之中何必
 狎無絕色苟無天緣終不相遇昔曹孟德欲娶江東喬而為孫策周瑜所
 奪大起百萬雄兵以死爭之而終不能得之豈非天乎今之古亦誠有傾圜色也
 與相公既無三生宿緣曾以許婚於他人老身累辱相公之教而不敢告者美

此也呂生驚問曰誰家女也其色果如何也汝輩必瞞我也張婆曰老身何敢以戲言冒犯尊如此娘子即荀中承老爺女子相公所稱桂相公之表妹也語其容顏則誠天下国色而与桂相公已定中表之婚矣呂生曰汝曾親見之乎張婆曰荀中承喪室之後有兩箇侍人其一則即朱氏曾侍亡夫人左右者此人無姿色其後老爺又得賈氏去年生一男賈氏即老身之姪女以此老身回緣出入拜謁於娘子者數矣呂生押席以問曰其容與桂生孰優耶張婆曰兩人自樣自相彷彿媚嫵英慧少無異同而但桂相公男子也自有俊逸之氣像荀小姐纖弱幽閑多有窈窕淑女之德仅此其所以同而異者也呂生曰誠如汝言反復勝耶寤寐之求幾年于此而如玉之人同在一府得之誠難聞之亦晚甚矣耳目之不廣也汝輩必有所聞桂家已納聘云乎張婆曰未能詳知當問姪女而仰白之呂生聞言厚賂而送之使即探報時荀中承請暇已久方欲還京聞者忽報本府王教授來呈名帖矣荀公延之坐定問來訪之意教授曰呂丞相家公子竊慕令愛小姐之才德使晚生通其意故敬此仰達矣

荀台呂生之求雖其懇勤亡室臨終託於老夫欲以為表姪桂生之配到今背約誠有所不忍者先生幸為我謝之教授不勝無聊惟力稱呂生權勢之可畏才華之可愛而已拜辭而去翌日李府馬太守又踵門披刺荀公迎入礼畢拱手稱謝曰先生欲臨陋舍抑有事耶太守答謝曰賤生每欲一陪行坐穩承鑄誨而公牒埋頭求由拙身今日為令愛之婚事按忙而來矣荀公曰昨日王教授亦來傳星之言而適間自有委曲未能奉承先生想亦聞之矣太守賤生曰亦聞王教授之言而先生之不忍負亡夫人臨訣之言自是厚誼聞尚未奉幣猶是路人膠膠守前言亦不固乎况父母之心慈愛是主無論彼此擇配佳即使之富貴而榮華豈不樂哉欲求美即耳莫如呂家公子富貴榮華誰敢比大相公之家乎老先生若與呂生決親則安知亡夫在天之灵不為之悅豫乎蓋亡夫人屬意於桂生特一時未成之事今日呂公子之求婚窠百年偕老之計豈可以一時之言誤戲百年之佳期乎惟先生熟慮而深處俾無後悔也荀台先生析利害之機明取舍之分諄教誨勤指導賤生何敢以執迷之見自外於提耳之教乎但女兒粗

習詩書略通禮儀欲聞其言而進退之耳太守曰先生之教亦有意見賢娘
設有一切之意惟在先生開導之如何爾賤生亦欲以此喜報速通於呂公子
也即別去荀公入內招小姐坐之前具言呂家求婚之意曰吾兒如有所懷悉陳
無隱小姐曰此事小兒何可干願狀母親遺言尚在於耳目其餘非小女之所知
也荀公不悅曰汝之母親誠有是言而此不過與我相訐而已別無定婚之事女子
在家則從其父翁禮也吾兒誤也小姐曰父親之命何敢不從狀此則小女莫太事
願父親三思而定瞋勿輕許遂面身入於寢室蕙葉適侍側告於荀曰公老爺何
以出此言耶小姐與桂官人天生一雙伉儷彼蒼之意人皆可惻況夫人遺命堅如
金石太婢僕所共倚仗而屬望者也以其情誼言之則自在童年與同鈿繫而
自守禮法少無苟且之事狀想其厚契深情豈隔狀哉令老爺若奪其操而
抑其心則必憂愁鬱鬱因成疾病恐非全安之道也荀公曰我豈不及汝之
深思也且桂生才具亦豈不受曾不許婚者只以彼家貧甚桂生若能立揚
則大善不狀則女子一生將不得自安此非細事呂生為我亦詳知荀其庸流

下品則我豈徒取富貴以誤女子之仰望乎汝其聞誘婢回初心朱氏以荀公之言于小姐長嘆曰我与桂兄雖有同学之情自与婚姻其路各異母親臨終雖有顧托之命父親之言亦自通達若泛狀則何人之門不可入乎吾已許心於桂生亦已有言於桂生矣負心非義也背言非信也到今三其德吾所不忍且父親過愛不肖之女欲其富貴為子者豈不知感激哉狀富貴貪賤自有天命不可強而致也我則孟光耘田文君賣酒案所忌亦所不辭唯願庶母為我盡誠以回父親之心

好因作惡緣因緣 無情語成有情語

朱氏出往之荀公之所荀公女子有何語耶朱氏具以小姐之言告之荀公笑曰年必之兒不知事理徒信古人糟粕之言往厚誤案事豈不惜哉到今以梁鴻孟光為淑人君子以相如文君為佳人才子爭相稱言動欲慕效余嘗見古書孟光面墨倅壯其力能運石臼故与梁鴻或耕於野或傭於人能甘許多辛苦今纖素膚軟彈之則欲穿腰紬吹之則欲靡以如此氣質欲效孟光之勤勞豈非可笑乎卓文君牽於時私情許身於相如而終未免當爐賣酒之困相如適值好文之武帝

科

因得意之薦而聘詞賦之才得高官積黃金赤車駟馬翱翔鄉里至今以爲
美談若不遇武帝則必行乞蜀市上終棄飢死矣夫孰知立上有卓文君哉
今天子不喜文章宰相不薦賢士桂生雖有凌雲之才經天之學何從而
自致哉况斜場得失自古難必桂生之父以年才子自期黑頭功名唾手可
得而居狀一白髮窮措大尔安知其子狔不如其父乎朱氏又以小姐許心結
約之意告之荀公輒愀然曰女子之志不可強奪而茲事十分難必呂生之言
今若斥之則呂生必告於其父待吾上京又將求婚若欲不許則呂生威勢
振於天下所言天子無不曲從我之前程難其無事矣保狀姑不快許以安女
子之心矣所慮者呂家必不中止汝須從容慰諭毋使固執朱氏未退忽聞
李提學至矣荀公急出外軒而迎之提學亦爲呂公子紹介而其言比王馬
尤切矣荀公曰王教授馬知縣亦曾言此事當即奉副矣非但身有些事
婚姻大札不可輕定欲早啟京師稟議於丞相尔李提學曰尊教正合即
辭敝備傳於呂生一即裁書上其父告其意荀公亦治行啟程此時桂生

聞呂公子求婚於荀家殊切盆憤俄得朱氏書知荀公之已傾意小姐之欲守
盟雖欲見小姐更申知意而未得其便徒自彷徨我至於成疾矣山人見其氣
色与前大異責之曰大丈夫當建功名立事業以顯父母汝為女子反作楚囚嘆
可憐狀耶汝自幼多讀古書志趣卑下乃若是甚非我所望也桂生惟謝罪
而已浙江都府魏尚書素愛桂生之才辟為參謀同設軍務山人召一枝
謂之曰魏公即我知己友浙中山水我亦欲游而未得者也且現汝近來心事不佳與
我同游追司馬遷謝靈運之壯觀撫白樂天蘄子瞻之遺跡以瀉膏襟以懷
幽情可也桂生曰惟命焉桂生將行欲與小姐叙別投隙往叩小姐與朱氏同坐
邀桂生入彼此默然無一語桂生先言曰近聞賢妹佳期不遠而家親適親
公所邀將有萬里之行賤生亦當陪行將不得覩威儀而獻賀危殊用缺悵小
姐對曰春日猶寒惟願步履珍重小妹誓不負芙蓉軒片月矣桂生乍
對小姐氣塞膏間偷眼相視而已山人方啓而行促召桂生、慌忙遂告別而
去山人無侍妾使老僕一人守其家父子之遂棄扁舟飄然向浙江而行

行四晉至開封府泊舟於東門外少選休憩奉府通判與山人有厚契適
回公事沿江而過偶見山人坐于舟上掉舟而至握手驚喜各展阻濶之情仍挽
敝府中飲酒團素桂生狎留舟中終日跂待至日會官僮來傳通判與山人
同宿於郡齋矣桂生狎寢蓬底及詰明自念曰主人若又苦挽則大人今
日亦未必早還吾當下舟登岸歷覽風烟矣乃杖策遵渚探幽選勝
陟臨江之亭樹趺浴波之鷗鷺信步而行惟意所適却忘路益深而行轉
遠矣忽渴甚思茶而不可得搥首遠望欲覓人家忽見粉牆彩閣逶迤
隱見於綠林之間遂前往見之則華扁高揭於門樓書玉清觀三字循砌
而入剝啄重門良久有女冠出來手啓金鑰年可六十餘歲矣邀桂生坐於
迤西別堂問曰相公自何處而來乎現中適有修禱之事少年輩皆入內殿
致令尊客久立於門外不敬甚矣惟相公寬假之桂生曰偶逐風光歷遍遠
近會渴求飲來到此尔女冠招小童奉茶而進謂桂生曰城中貴介之家
今日設法事於此故自多奔忙不能侍坐討話罪味、旋即退去生即起

立徘徊周覽東壁之下有縹跣數百卷攤地倚疊生少坐披攬皆黃庭玉
樞黃白童虎等書大簇子一張卷置其傍試展而見之蓋模寫美妹佇立之
狀而筆法精妙姿態秀麗真絕世也若以為觀音菩薩之像頭無瓔珞
若以為上元夫人之像身著俗衣非步蓮之潘淑妃則必待月之崔鶯也朕不
書其姓名安知其誰某桂生心自異量曰此画果是天下絕筆而古之詩人
何無一句題咏丹青不渝生緒若新想其模寫必不久也仍把翫再三忽朕
長嘆曰画中嬌艷正与荀家妹第可較伯中得非真宰故為之揮灑神筆模得
荀妹真面以慰我渴涸之恩耶不朕何其与芙蓉軒佇立之時酷相似耶噫裴
郎之玉杵難求刘公之仙洞已隔不知与阿妹更有相見之期耶嗟惋之切感
涕自零遂取床頭筆硯用荀小姐咏牡丹花韻作七言絕句一首書於簇子
上面一面諷詠欲寫姓名之際女冠自內殿而出見桂生拈筆臨画大驚却立
高聲而喝曰相公此何事也相公點汚其頭欲使貧道等受困耶桂生告
狀擲筆而言曰古今名画必有文才士之題咏方為三絕室惟道人休責焉

女冠曰相公以此障為何等面耶語未畢喧闐之聲自遠而近傳言行次至矣女冠匍匐而起章現內女冠出門而迎之面向桂生而言曰桂相公留此恐涉非便桂生急起下階出門闕則十隊丁夫或持赤棒或執儀物分立左右環擁前後喝而行威儀甚肅最後有七室彩轎四圍珠箔侍婢七八整序立再隨至光彩溢目看風披鼻而生未及回避前導大呼曰何物恠鬼觸犯尊行徑越前路耶至欲駭脅蹴踏桂生卑辭哀乞曰倉卒之間未及藏身矣前導猶喧嘩不已將欲奮挺徧之女冠急走而來解之曰此過去相公覓茶而來君輩不可無礼前導方舍之桂生脫身而走匿路而行危怖之心稍弛矣乃自語曰吾作不緊之行既逢女冠之責又被賤隸之辱真可咄也做到船頭山人已回矣遂設船而行過數月始抵浙江府中魏公見山人父子數腴之色可掬矣後其館侍豐其厨供足以忘旅遊之懷矣曰魏公開太宴集僚終日酣歌山人父子亦與焉魏公酒半倚從者取華牋彩硯進於前曰請桂兄吐珠玉以記今日之勝會使後人知吾輩之遊於此地也

十二

次對小弟老且倦。坐棲筆硯久矣。雖勉強而賦之不足觀也。賤子粗知綴文。使之代述。如何。魏公欣然對曰。今即果有才。則高一揮彩毫。以洗昏眊尤好也。即以四友授之。桂生三讓。遂奮筆作七言長篇一首。風雲驟起。毒蛇飛動。其詩曰。

浙中天作佳山水。千古名區擅吳越。大城深濠地勢雄。鼉犖虎擲競傾突。魏侯才略群公表。立霄聯輝華閎祥。傑出立爭先。觀霜蹄當路不啻蹶一方。雄鎮當控扼。嚴霜淅瀝吹鐵鉞。惠澤汪濊若新雨。男欣女悅安耕春。日開宴江亭。前萬頃琉璃滑。孔融北海逸佳賓。庾亮南樓有明月。明鏐繡帶六銖衣。美人襖琴瑟。殷商彩袖遙迤邐。樽俎間蓮步輕盈。誇室護急管清唱。聲交夏。大魚小魚爭出沒。幕府諸賢盡才傑。酒中豪氣轉傲兀。半酣喧呼擊長劍。迭把深盃不辭罰。曲渚縈紆望不極。水樹連天如綠髮。落日城頭吹画角。三聲震盪竟王窟。只可留連終永夕。怕悵繁華易消歇。忽憶臨江射潮日。惜哉古人已朽骨。樂極悲來奏軍樂。伐鼓騰舞健卒後人歎。知今日遊須訪他時峴山碣。

魏覓畢彈指歎曰：雖感唐家何以加此乎？可與岑高相頡頏也。詠賢
手不忍釋，忽顧山人而問曰：令郎已娶否？山曰：家貧年幼未及娶也。魏公曰：我
有一女，年可勝筭，而婚姻非匹，敵不可。我女則不敢望矣。亡表弟有孤女而
姿色才調可與令郎匹。美老夫兩家欲作媒妁，兄意如何？山未及對，桂生
避席而謝曰：晚生雖未娶妻，亡慈在堂之時，定婚姻於同鄉荀中承家矣。
不幸為權門所倡，將不保初約。而荀氏之心堅定不移，方在相持之中。晚生
雖荷大人之過愛，亡母之言不忍自我，而先毀為無信之人。甫魏公曰：權門誰
耶？山曰：呂丞相家也。荀家婚事必敗於彼，而迷兒尚有眷戀之心，可謂不鮮
事也。魏公曰：此義女也。我豈知有如此事乎？荀家女子若入呂相前，兄其無負
吾言也。此後待桂生充款。時東南夷琛賈動，海波不揚，人籌畫謀猷為軍
吏所服。轅門無事，記室多暇。山日與主將把酒投壺，極意娛樂。與至則與一妓訪
勝景，陟名山，蕭然若立外之人。桂生亦雅有幽致，每遇佳景輒怡然忘懷。念及
於荀小姐，則定能不情涕淚交。自下浙江，即繁華之地，脂粉膏屈狹路香。

街羅綺成群歌聲縹緲舞影婆娑能使人魂迷而心蕩自非有廣平之腸鮮
不濡染於此矣桂生有時經過金橘滿車而蓋泛滄海而觀泰山者矣生肯
留眼於消滯丘垤之間乎

觀詩句觀破圍圍心 因軍務約為晉秦好

此時荀公京城數見呂丞相而丞相無一言及婚事荀公亦不開口而已移拜
兵部侍郎提攝戎務公簿旁午年且衰老微恙頻作扶護無人調治有妨遂
寄書家中使賈氏守家朱氏陪小姐上床而趣速登程母令企望小姐承書之
後即欲發行而非徒天時正熱行役京難且槐花已黃桂生必赴試於河南欲
姑留於此一聞其消息矣時桂生方在所中穩送居諸而荀氏音耗杳隔天涯
憂惱悶鬱稍無歡欣欲托科舉南故故鄉以探荀家消息乃告進於桂公曰
科期將迫欲先覲國試惟大人命之山人曰此去河南幾數千里衝炎遠涉恐
生疾病幸若隸名於南京國子監仍赴科場則事甚便宜且做業必專矣
與魏公相訖送桂生於國子監使赴應天府鄉試桂生遂矢南行之計荀小姐

時在河南日望桂生之來而山川阻絕憂慮之心搖如懸旌無所
終薄矣。狀父命不可久稽桂生不可復見矣。不得與朱氏已。同舟而行。至開封府。
大風連吹舟不得進。小姐累日觸傷一疾。沉綿舟中。搖蕩不合。攝將未能強疾。
前進使家人賃得水邊敞豁之處。將欲留調治。待其年復而發行矣。家人
沿江訪求。不得靜室來告於小姐曰。閨家湫隘不堪入處。而惟玉清觀殿宇弘
敞。唐舍蕭灑。而有若于女冠人講道於其中。調病之所無過於此也。小姐願以
為狀與朱氏及女僕等詣玉清觀。女冠等知其為京中宰相家之屬。遠出迎入。空
其內堂而祭之。明窓粉壁。靜閒幽清。窈窕靜攝之處也。小姐問女冠等名字。其
中年老者跪對貧曰。道法名貞玄。役年少女冠等。卽某也。某也。仍進茶果。
精潔可食。小姐留一日。神氣漸爽。與朱氏隨女冠從容緩步。周尋殿閣。至三清殿。
焚香展拜訖。與女冠相對穩話。望見壁上掛一幅女像。簪子上面題二首絕句。
而面樣筆法俱格神妙矣。小姐素癖於書畫。欲知其工拙。起而就見。面則宛
是吳道子手段。而筆法則至右軍。趙松雪兩作也。小姐着眼微吟。忽狀極驚曰。

此書倅分明桂兄所寫想春間西行之日留題此詩而去矣仍又味觀其一首曰
亭三師立不勝春有恨無語惱後人謾向臨筇期貞女却從南岳喚真

其一詩曰

鏡裡花枝虛弄影水中明月竟非真如何七夕頭樓望閑却成都賣卜人

小姐一見再見疑感滋其心語於曰下一首其筆跡非桂兄所寫亦甚彷彿此
必他人故攸其倅法而書之也非我則不能下矣且兩詩必兩人所作而其詩
意各有所托非偶狀題咏之比而不記其姓名抑何意欤上首用我兒時詠牧
丹之韻此則表兄必曰面感事偶懷而題斷無他疑第未知下一首何許才子
與表兄分韻而作耶末句之意尤未可曉也沉思若吟惘恍未決矣貞玄來
坐小姐之傍跪而問曰小姐玩味此詩必知其中深意也小姐曰正欲一質於師矣
師幸先問此兩詩似出於兩手詩中各有所懷何來詩客何為而作耶貞玄乃
驚曰此觀與大路不遠故雖女冠所不能無往來之客并此堂者皆見此詩而
莫知其出於兩人之手而今小姐有此眼神奇哉貪道等卒不知書有同替

者之於丹青詩中有何意。竊姐曰：「上一首初句之意，贊畫中人女姿色之美，末句言
與人有約而不見，只對畫中之人下一首和句之意，言畫中嬌艷見之無異。天貞
玄顧見女冠等而言曰：『兩詩本意果如此也。』」姐既已解見，安敢抵諱。會道謹
當悉告矣。此玉清觀蓋宋真宗所初建，而中遭兵燹，頽廢久矣。比開封府城
中所居義陽郡主即梁王第二女也，嘗以舅薛老爺敬奉三清，盡其誠虔重修
道觀，以為願堂。十五年前祈禱於此，三清之神遂生一女，容顏之艷德性之美，前無偶
而後無繼矣。但賓夫妻鍾情撫愛如玉如珠，但賓不行下立，郡主與小姐悲感，度日及
其終制之日，郡主與小姐乃親設齋供於此，觀適有遠方女僧來叅法事，共
素善繪畫，見小姐容色大加稱揚，退告於郡主及小姐，而願畫其真面，永作人間
之至宝。小姐頗有難色，而許之，不許女冠等累懇於郡主，後郡主方為肯諾。
其人會心凝精，一揮彩毫，小姐之色態精神，尽移於畫中，雖難畫之明不能
示其真，假矣。郡主愛其面品之極妙，分付於貪道等使之深藏，勿掛於他
人之眼。故貪道等敬承尊教，千襲珍藏，去春霖雨浹旬，恐有沾汚之

患年觀中所野道經出曝於野而方欲歛藏矣薛小姐因郡主有恙欲為躬
 行禱祀倉卒來到貪道等專於法事念不及他紛惶中未及收拾忽有少
 年秀才偶到此中乘貪道等不見之時乃題此詩於簾上貪道等後雖悔
 責已無及矣惟恐薛小姐見之則怒而責之不得已直告請罪小姐初則有
 愠色及見此詩則別無他言乃親筆題此兩句於其下貪道等索未知其由
 也近聞郡主頻有疾恙小姐婚事必欲速定於名門巨族無不遍求小姐姿色
 孰不艷慕乎媒婆日集於門庭熱鬧如市郡主方欲擇定於其中矣頃者
 小姐乳母來言於貪道等曰小姐画像更勿藏置出掛乎三清殿使來人往
 客縱意窺目前日作詩人姓名如有詳知者即報宮中無或遲稽貪道等或
 慮其間有別般意思而傾者秀才題詩之日貪道等未及問名且其詩意未
 有小姐之能解者誰能見其詩而知其意推其意而知其人乎荀小姐諒畢
 嘿念曰下一首末句蓋有題詩之人不須愛面或尋媒妁或因女冠求婚之
 意而姑不明言云云問於貞玄曰秀才作詩之時或知其薛小姐之画像乎貞玄曰

其秀才何以知之又問曰薛小姐見其秀才乎貞玄曰薛小姐所乘金轎正入門秀才方出門造次相值前導与秀才移時相話小姐或從簾隙見其秀才而愚意則其秀才容與風儀与王子晋無異其美質清詩必入於小姐之心故至於和其詩而題其尾到今使乳母欲探其消息甫荀小姐曰師之言是也此後數日靜處顏養患候已快痊矣遂与諸女冠相别出道觀乘扁舟轉向京師忽有人從江岸而來高聲而問曰何船是荀侍郎內眷行次耶舟人傳棹問之即荀侍郎京第家丁也跪奏於船頭曰老爺方遭意外之厄小姐与朱娘子湏早啟河南小僕奉書簡而來矣舟中諸人皆慘怛失措蓋荀公兵部侍郎方膺籌邊之責成化二年北虜叛突騎數萬圍大同府縱兵抄掠先鋒直到居庸関京師震動天子大怒以為過方辟帥兵部諸臣誤事呂兵嫁禍國家梟梁搃兵俞都督於境上下兵部尚書王國臣侍郎荀景華於錦衣獄中方欲問罪諸臣震胆不敢救惟呂丞相力諫曰王荀兩人功勞素著且自古債事之將貸死從軍以贖其罪請削兩人戡名使以

白衣從軍終不得成切則誅之未晚也上從之赦其罪使醜令於劉都督幕下荀公及出園戶即就謝於呂丞相曰曰案荷天子寬仁老夫何力之有仍置酒厚待曰吾與公有相叙之事而若無聞日尚未果焉今日適得靜便良章家有不肖兒子而聞令愛有幽閑貞靜之德妾切寤寐之求敢問令意如何荀公曰公子曾因馬太守求婚而其時小女適有疾病未能仰副矣今相公有命曷敢不從丞相大喜曰公我情分卒不泛狀而若又結親則其情義在何如哉但公非久當往還上還朝早晚未可預料吾意則欲通於兒子自其處成禮鼓問公意如何荀公既蒙丞相再生之恩將來禍福亦在丞相手中當此之時豈敢違拒乃復於丞相曰當惟命矣即退而修書使家丁傳於小姐一過治行遂向劉將之幕

翠香閣擇婿 大板橋作媒

此時小姐拆見父親書簡備陳獲罪下獄或陷不測之由蒙赦從軍遠向北塞之奇且曰天威震疊無望全生而幸賴呂丞相力救得一生於萬死德可

含珠恩合結草雖捐生殺身難報萬一不得已許親事矣汝自兒時讀
書學禮頗知義理頃念母言父命輕重各異私情厚恩大小不同母如前者
之固執即日做家與呂生結親以副老夫懸望之情小姐與宋氏同坐傳規痛恨曰
父親雖免大禍遂入危地憂慮之心何以堪遣朱氏言於小姐曰小姐與桂郎方才只
相敵年紀亦同常以爲蒼者天必有深意事乃大謬矣至此人事之不可知
者有如是耶且小姐與桂郎君雖有失言卒不許身而父命既重私恩亦大
暫行權道亦無不可昔崔鶯鶯王喬娘虧行指節意有慚德而其生且死
不與意中人同棄小姐之貞心潔行與青天齊高與白日光將順父命自求多
福豈不快哉小姐長嘆曰庶母之言雖是父親方在九地而弱質無力未效
木蘭之代行誠孝不篤莫追縶縶之上書方且自訟痛泣之不暇抑猶何
與人結親乎朱氏曰小姐之言宗合情理暫將送言於呂公子俾待老爺之
還敎矣小姐言雖如此心則不狀而欲違桂生之恩則芙蓉之月依曰欲在
家之婚則父親之書在傍百補思度萬慮紛集莫知善處之道矣遂回冊

泊於關封府東門外是夜輾轉不寐恨無脫身之策咄咄悵曰人生死自石
 皆有捐軀保信案如自期而若自決於今日則非但事不明白亦將不利於父
 親當留待父親回來以義諫之以死爭之若不得則誓以此時舍生取義以
 謝桂兄矣旋又自念曰昔者芙蓉軒上與桂生結約之時欲以死生相盟之我
 以申生喬娘事戒之而不許矣今事與心違更無可說前日之言可謂巧矣
 嗟呼桂兄之情何嘗與我異也我則尚有一弟桂兄狝子也必無為我不娶之
 理除却此身則去上豈有堪為桂兄之配者乎若使桂兄未得佳偶終無琴瑟
 之樂則生者苦何之異於死者乎又低首合眼細思量忽得一計蹶然起坐曰
 我未能以一死報桂生之見非情之不篤也乃勢也皆管仲臨死不薦賢人後
 之君子非之庶徐臨行薦諸葛孔明此案千古美事男女是義何殊於君臣之間乎
 王清觀女道士所言女子未見其容只而其姿色雖一半於面中之像足為當立之
 絕色且其絕句亦非借述於他人者其才可佳矣誠得此人為桂兄之匹則
 庶幾堪為桂生至誠之一端彼家豈肯回我一人之言而寧肯許婚乎吾意

計誠疎矣又思曰桂兄之行舟於江湖而路於道現巧矣薛女之画像適晒於其目而桂兄之瞞偶及於此亦巧矣桂兄無情之作薛女有意而見仍以絕句和題於其下此殆天意也我試於明日探其消息而若無牢定之處則當為桂兄替行媒妁之任事雖不成將竭其力而尽其誠矣明日言於朱氏曰今若欲家則呂生必挾父親之命藉承相之威逐日強迫急風火如雖欲徐待父親之還何可得也顧此薄命已與桂兄信誓睽違而見義絕矣但其婚事因我差池畢竟若得不合之配則吾心不安姑且毋論母親精靈苟有所知亦必為之悲怜矣曾聞貞玄之言薛氏女子才良俱全信斯言也無愧於為桂兄配也若為桂兄定婚於彼則他日我離故呂家我心不安矣欲為此兩事稱有疾病暫留於此地以免呂家之強逼一以探薛女之動止而無可接着之所是可問也朱氏曰小姐反以桂官人婚事為念可謂矣厚小姐必欲留住於此則牛鳴之地有便好之處先夫人臨終以蘭芝多有功勞許令適人蘭芝為開封府富商趙姓人妻而家計頗饒云帶來奴僕中必有知其家者矣小姐聞而大悅

問於家丁，告曰：蘭芝居於大板橋之頭，美小姐與朱氏相訖，許多奴僕送敝车家，使朱氏寄書於賈氏，小姐傷於行役，未能前往，不得已淹留於中路，為尋医問藥之計。呂家有向以此答之，姐與朱氏寧奴僕數人至蘭芝之家，蘭芝聞小姐之來，倒履出門迎謁於轎前，灑掃正堂，以奉小姐，而頤而礼，畢退。與朱氏相對接，騰交手討論，情話盡，夫人眷恤之，見汪狀下淚，蘭芝跪曰：「回其事而辱臨，隨地耶先生，閨里榮溢門巷，小婢恐福過而空也。」小姐曰：「適有事故，來到汝家，我之來此，慎勿傳播於人也。」蘭芝拜謝，使其子女羅拜於前，曰：「此皆先夫人厚德所及也。」姐問曰：「義陽郡主宅汝知之乎？」蘭芝告曰：「越彼大路，則可見其園林矣。」小姐曰：「我聞其家有処女，方為求婚，云未知已有定處。」耶蘭芝曰：「小人常出入於其門下，故習知之矣。其小姐姿色才品，似我小姐，而郡主及小姐酷好詩文，擇婿必得兩全者，而後方欲許婚。兩全之人，豈易得哉？」郡主所患比來，甚艱，小姐婚事，必欲速行，拈出一題，以試群才，應製之人，雲擾蜂鬧，郡主親自考閱，以

定優劣而庸技陋品豈逃於郡主之神鑑乎日閱千篇終無可意者尚未論
揀云矣荀小姐聽畢徐曰彼欲考較其才我雖以桂兄為有李杜之才潘衛之
臭不見其詩文則必無許婚之心矣謂蘭芝曰汝須往郡主之宅覓題而來我
之留此切勿出口蘭芝惟而去大抵薛姐名出蘭自幼聰明英靚精通文史不
特其才秀色手容稱擅於皇家貴族之中也郡主無他子女只有小姐僕妻
慈愛甚篤欲得才女如小姐者而為配求之列邑訪於諸宗亦通於梁王妹
大長公主廣選於京城才子而未之得矣僅賓下五三年倏過而出蘭之
年已至三八矣郡主為出蘭創一閣揭額曰翠香閣其出閣現麗不可名
狀郡主謂侍女等曰他日定婚當行禮於此閣矣嗟呼僕若在此以此閣
為題使操觚之徒各為賦詩就其中而拔其尤則擇婚之法無過於此而
今我即深宮之富婦也何以求天下之奇才乎郡主此言蓋偶狀而發初
無深意而奴僕互相傳播達於遠近開封府城中少年艷小姐之姿色慕
郡主之富貴忘出非分之心徒勞無益之求賦翠香閣三字如庭觀策之題

或棲寺或接閭舍爭巧鬪工累牘連章才拙者倩手於人需丐餘馥厚賂
 蒼頭因緣投進奔逆難還若試塲黃昏納卷之孔子也郡主與小姐一鑑別
 分其等第其文非浮薄則俗非委靡則野真下里之唱也邯鄲之步也郡主
 曰才難之歎古今同狀何必責備於人乎擇取三篇置諸案上欲以其門戶
 人物參互商量點其二而陟其小姐告於郡主曰此三篇雖似稍優而若老
 伎談經書之義無一字活法生氣何足取也郡主笑曰秦少游宋文公自謂
 若無蘓氏兄弟則當獨步於天下也吾之眼目高則他人之文不得不卑也非
 此詩之卑也汝眼太高故也小姐自見桂生之後悅其自愛其詩自不能忘手
 中而不省其何許人也惟置於心目之中而已雖母女之間不敢散說於郡主私
 遣乳母潛囑於女冠出其簪子掛於三清壁上以訪作詩者之姓名而終無
 喜報小姐自此悄怏怏徒勞夢想而已

女子安展作序手 才相如弄求鳳調

是日蘭芝承小姐之命詣義陽郡主宮中納名請謁敬問數晝夜玉侍無

恙否郡主曰日氣頗冷曰病轉苦況且女兒婚事至今未定心焉如焚愈久
愈熾病人懷事安得安字蘭芝對曰賤人曾聞娘之院一時才子之詩文欲
擇才郎許多篇什之中豈無一箇真才子乎郡主曰他郡則未知其有無
而顧此開封一府果無可觀之文矣前日請於大長公主求之於京師翰墨
之場而尚無所薦以此觀之則京城亦與此地無異矣蘭芝曰京城及此地
雖無能文之士天下至廣人才亦多安知夫遠方人物不勝於京城他郡才
華不陪於此地乎賤人之家前臨大路游學之人科塲之士或回秣馬而留或
因寄宿而來者踵相接而肩相磨也若得所禽之題揭於客堂則其中必
不無善題者也郡主氣手指翠香閣華扁曰此卽題也備言其創建之意蘭
芝記有於心即拜辭曰小姐座下忙未見謁後當乘隙更進矣故以郡主之言
白於小姐以翠香閣亭呈矣之荀小姐臨題一吟文思已如水湧雲出遂揮筆
做王子安滕王閣序構成一篇淨寫於華牋末書洛陽桂一枝以授蘭
芝曰明日汝須以此文納於郡主而若問其撰述之人須以桂家表兄答之

若問其行止汝答曰桂官人游學浙江方還河南中道有病調治於汝家可也
 蘭芝當智教矣仍告桂官方在何處而小姐為桂官人作媒抑有何意
 耶小姐曰母親遺言汝亦參聞而事多魔戲素志不成我欲為桂兄薦此美
 娘以醉平日之厚誼爾蘭芝細聞長喟曰天不助耶人不誠耶嗟哉小姐
 又謂曰桂兄去春必赴於河南鄉試而終無所聞恐桂兄或有病患而才
 兄不得進側不狀桂兄必身有疾恙而不得來蘭芝對曰前者小人家客人
 等披見鄉試榜眼小人偶爾見之則南京鄉試壯元桂一枝九字分明書填而
 桂相公必就試於河南故小人以為必有同名之人不復致疑矣今因小姐之言而方
 大悟桂相公必入籍於南京魁於鄉試矣小姐大驚曰汝言不爽桂兄必敏捷
 矣狀必不以一時客游之故入籍於他郡想入於國子監仍以赴試也即送人書
 驛買來各路榜眼則桂生果為第一於南京試矣小姐憂疑頓釋喜形於色
 蘭芝微乎其筆牋往于郡主乞因侍婢通名郡主與小姐同坐召蘭芝入蘭芝
 跪進其文郡主折封開箋問曰誰所作也蘭芝對曰姓名書於紙末願娘

先觀其文而後問其根派若其文無足可觀則其根派知之何用郡王笑曰汝言是也遂忙手展見筆法飛動眩耀映人眸而奪人氣也郡王及小姐大為驚動其序曰

銀潢滌源浸百世而流沁玉牒衍慶序九親而分支大城星羅建諸宗而
鞏業芳甸錯繡裂腴壤而疏彊粵惟梁國之雄藩寔是周家之近屬侯
邦啓錄樂千一之休明甥館卜賢秩百兩之盛禮陰洞烟露迎信陵之旧墟沁
水園田劉汴京之新塲貫括土委寵崇隆於銅山明珠斗量富可擅於金穴
吹簫向月鳳隨凰於璇霄鳴珮朝天馬如龍於香陌惜乎鬼猜之隨至居狀
人事之已非寡鶴鵲圖認旧律而談淚誰辜對鏡吊孤影而自悲歌舞烟沉淒
涼綺羅之隊冠蓋雲散寂寞啓戟之門唉光榮之已消嘅緒業之誰主鄧
伯道之地終無男蔡中郎之傳家只有孤女柔僅有範清新咏絮之才秀色
呈妍窈窕羞花之態睽彼輦飛之殿閣展也燕寢之帟幪翠甃玲瓏移
來支棧之石彩椽昭耀斲盡連理之枝朱拱出雲影抱板橋之野碧尾眈日
驚罷鸚鵡之夢綠陰低檻冉而斜暉芳林簇池眞而晚靄繡被金褥

帳月娥之孤栖西牀瑤床跋天孫之双會屏間彩雀虛彈反客之孤數上金鈴竟入何人之手一桂才非吐鳳志切屠龍自不踰人愧潘衡之風彩語未驚世慕李杜之文章窓前六經詎憚三冬之苦沙上七子莫和千樹之詩鏡裡花枝曾識春風之面海中波浪難捉明月之形大篇煌煌瞻紫府而矯首華構翼翼望彩雲而翹心未登梁園之筵先題滕王閣序撰次而已工拙何論

郡主迂吟咏迂稱質曰此文清新俊逸字珠玉句錦繡誰家才子有此奇才見其紙尾曰洛陽桂一枝郡主嘿念曰洛陽距開封府不遠与之結婚尤更便好更把華嚴大讀一遍曰王子安一千年後始見此才雖不能高出於子安之上亦可以雁行也問於蘭遂曰此人容負妍醜如何其父家誰也汝其諗之即蘭芝曰年以時為河南荀侍郎宅侍婢侍郎友婿桂姓士名冬榮即此郎父也言其門戶則皆冠冕之大族也語其容負則雖潘岳不能過也且此官人方魁於南京鄉試來歲登第如反掌也郡主大笑曰南京壯元果是此人則吾

之捧嬌只在才與色兩件而其才此可驗矣其色汝既見之汝必不瞞吾矣
况見其文筆如見其色更無可疑當牢定矣又問曰年齒成何蘭芝曰十八歲
矣郡主曰長女兒一歲矣心切快幸而禽侍女滿酌金鍾以賞蘭芝時薛小姐
侍郡主在側雖無一言喜色溢於眉宇間小姐睨視其有昌文鏡裡花枝曾識
春風之面乃靜思曰此句顯有曾見画像之意得非玉清觀題詩之秀才乎其
時我雖不能詳見其人而尚依一狀宛在睫間今若見度可不矣而何可得也
乃改容歛衽告於郡主曰此文之妙竊無對也母親之言亦可信矣猶不無可
疑者科場之規極其四截借述代作俱有罪罰國家猶不能禁抑此秀才
亦安知無此事也且男子白如其心者絕少衛玠之神秀王衍之色美陳平之
玉鄧通之如花艷則艷矣嬌則嬌矣而求其心則不如其白何必面如傅粉唇
如秣朱方謂之美哉惟母親更加詳慎焉郡主惺悟曰我未之思也汝言審也
蘭芝曰小人自覩此即操筆述文風樞陣馬不足以喻其疾也且座上無不對座
者可保其無詐也自在洛陽多士無不推讓公卿無不稱道豈依樣畫葫蘆

顧影矜嬌之輕薄子比裁郡書於寢褥特以吾事甚重矣寡婦之家雖無待客之人吾欲一請親見其母而後方牢定矣蘭芝聞之心甚固狀強作而對曰是亦不難但其秀才病勢頗重恐不能窮詰門下矣郡王曰雖狀汝須傳此意俾待差復可也蘭芝累度周匝亦涉殊常乃曰謹當如教矣即退故以郡主之言報于小姐、笑曰文可也身不可出也托辭牢拒果誠如何一陪悶縮不知所為此後郡主日送蒼頭問病勢之輕重蘭芝曰相公患候彌留方調治於內房不得外人相接矣與桂馬之間時月荏苒日歲將終矣郡主以婚事之遲滯日夜悶惱曰桂郎之病想得差道而一向稱托終不出頭何也促催其急小姐自度曰相持已久彼疑轉深吾不一出事將不成必為桂兄以竟此苦矣與朱氏蘭芝相議送人於市上買紋生取巾服最精潔者着之乘華轎亭僕隸詣郡門前呈名帖郡王大喜迎見翠帟閣下隊侍婢分立欄頭鋪錦茵捲彩箔熟水檀沈香列殷紅瑤床一見可知其皇親貴介之富貴也小姐進至簾外拱手拜再郡主答拜於簾內坐定拭目而見恍惚若皇

初出於藍明珠始耀於滄海祥光龍人瑞氣燭天郡主暗驚潛嘆曰世上豈有如此男子也是固幽蘭天定配也欣喜之極不能定坐使幽蘭乳媪傳言曰前日聞有微恙而貴倅不字今有勿藥之喜多賀荀小姐避席對曰伏蒙貴主下念賤疾小愈而向來久在床褥累稽首惶恐郡主曰前者奉玩清製衣離婦人暗劣之見亦知其為王子安後人也荀小姐起拜曰憂拙之文仰塵清鑑已不勝其榮且幸而今日又荷盛獎感愧深良郡主曰先生一首又欲得見幸先生勿讓焉以春景為題簡則擇於翠香二字中如何荀小姐暫讓旋止披箋拈毫八文之頃制卷呈曰

若說仙凡兩渺茫何緣宋玉賦高堂來時八月靈槎水坐久三清桂樹香
屏影乍開金孔雀池紋双浴紫元央狔吟古里梅花夢橫笛樓高正斷腸
郡主覽畢亟稱曰誰開天雅韻蕙以加矣但末句似有纏結之意未知先生有甚懷抱耶荀小姐曰小生曾在洛陽與荀家表妹有結親之約指天而為定若此高矣意外見奪於權門佳緣莫保性命難全而猥荷由貢主之恩愛有

若脈生羽翰身登青天此彼苦樂到此相懸念及前事情見于詩信所謂詩不可掩者也郡王言先生可謂多情之人也密使侍婢送其彩箋於小姐時小姐從簾隙窺見新即交章容兒兩全而及見此詩无叶所望其喜可知矣薛小姐曾於玉清觀既見桂生送秋波可下其真假而蓋當時暫看過眼易忘難記且桂荀兩人形兒樣是以薛小姐終未能分別而亦其清篇奪目麗什漾精神魂如荷上珠露搖蕩而不定故也

迫事勢不得已從命 露手脚故為此遁辭

頃之荀小姐請退郡王家無主人殊失待客之礼老婦誠不安矣第有稟設之事願先生小留於外堂及出使小姐乳母傳語亡人為小姐擇配甚廣而未有如桂郎者且老身多病漿保朝多先生若不以門庭棄微小女之陋劣為嫌速行納幣之礼毋令缺望也荀小姐答曰知賤品不合高選而終以厚礼許以令愛榮耀極矣涯分過矣雖微命不宜虛徐而但老母在浙中由稟告人倫大礼恐不可自專也郡主又復曰夫礼者有經有權經亦道權亦道以經合權古人云乎惟先生更思而之荀小姐潛思曰欲留於此地則藏踪之不可久稽欲通於桂兄則數千里之程往復未易桂郎素有大度不拘小節若知我為表兄定婚則豈不以為快乎

對曰是事極知於禮不可而事已至於此勢不獲已親迎則當待父親之命納幣之儀當奉
教權行矣又自我以貧賤之妻在客中幣物宗難如禮當以此意告之乳母喜而入帨而出
傳郡主之言曰婚姻論財有傷風教古人有以荊釵為幣者惟先生安意速行又
以郡主之言諭之曰村舍必多阻滯家客堂不甚陋惡若搬移行李來住於此則
凡事必皆穩便矣荊姐對曰辱看到此雖極感荷淹留是處於義無據恐不敢
承命矣郡主又復曰今則先生既非外客待老身何踈耶如以客堂為非便則有一
區花園拒此稍遠而中有小軒亦頗精潔先生若移寓於此則供給之節老身欲窮
自當之矣荊小姐着男服久矣起居不安動靜有妨敝心如矢不可復遏且父留則
或恐手脚透露自取顛沛再三若辭而郡主既已至誠挽止則向違拒亦欠禮義以為
姑留數日托以急赴於會試脫身而則去瞻聆可掩蹤迹無痕豈不妙哉乃自感奮
至私情何論遂處於花園別堂潛通於朱氏使小鬟換着男服來侍小姐以供灑掃
之後荊小姐行中無非釵釧及金銀首飾等物而男子行囊不宜有婦人服飾一物不肯取
來而箱中所藏端州石硯一部白玉獅子硯滴翠青玉筆床一部盛於綵函以為幣物

卜日備儀送於郡主宮中郡主見而大悅曰此物宗合於吾女兒也以給幽蘭俾為日用物
 蘇姐亦珍愛之時荀小姐既以筆硯為幣撫心自怜曰此硯吾兒時與桂兄共作文房
 之用而今者忽為薛家之物此萬物各有其主目緣皆在於天豈容人力於其間哉
 吾近來數月彷徨路上晝思夜度心勞意悴者皆以呂家之故也桂兄之緣庶
 幾可成而不知我之前程終如何也思慮所及顏色憔悴不禁衣袂之盡濕也郡
 主裏舍之年疾病彌留無日不呻而自定小姐婚事冒熱觸風受傷不且荀小姐
 衣服飲食及酬應接待之物必身自看檢不憚勞苦精神漸耗宿病添劇氣
 息綿綴將不得撐過日月一家惶惶醫治之方靡不用極而終無分寸之效郡主深慮
 又使小姐之姻傳語曰老身不幸死日將迫而女子他日仰望得人今離地豈有餘
 憾但旦奄忽未覩盛禮則天荒地老此恨難泯望先生速行親迎之禮以慰垂死之
 荀小姐方欲托以科事歛迹而退猝聞此語大生恒悵雖欲阻撓計沒意盛但曰
 貴主玉侔平字神明所扶可期無憂稍待蘇完復容詳說荀小姐所答雖其死
 轉郡主卒意必欲速行且巫下皆言家間苟有喜事則病憂必當自消郡主

之意萬口難回荀小姐因於強偏不能自支乃自解曰當初定婚太遽既已納幣親
迎一節終若牢拒則終不能成說不得已代桂兄之身行奠鴈之礼徐覩事勢終當
抽身亦策也對曰不告而娶古聖所戒而舍經從權在義不悖何敢自是迷見強
拂盛教乎乳母入告於郡王喜曰明日即正月初吉不必擇良辰以明日定行大礼可
也亦婚需一時皆辦習荀小姐仰具新郎粧束乘彩紅大轎笙簫鼓樂擁前衛
後自花園至翠香閣行奠鴈礼與小姐交拜畢就寢房相揖定坐荀小姐乍聞
双眸見薛小姐嬌媚艷態難狀玉清現面中之像猶未盡形容矣荀小姐自念
曰此真桂兄之配桂兄妻官果無欠也若与此人同事桂兄豈非人間快活事也
嗟呀余与仇謀宿願已件誰言有志者事竟成乎我為桂兄竭力謀忠而事機輾
轉已至難處之境誠可笑也萬慮纏繞悵不樂而強作好顏容非佯喜與薛
小姐共對酒饌終夕飲薛小姐睇視新郎自念於心曰婦女以色事人而今新郎
之嬌艷如此我若不能文字為桂郎之妻豈不自愧於心乎是夜就床同寢垂
合歡之帳圍簇金之屏聯袂并枕穩度良宵天明早起盥洗一双夫婦各肩接武

入候起居於郡主拱壁之交暉也彩鸞鳥之比翼也郡主喜極揮淚而言曰隻影獨
 留於人去獲都今日之盛事悲喜交至無以為懷他日入地足以有辭於賓雖令夕
 就死豈不快哉又嗚咽曰惜乎僅賓若在嘉悅之心當倍於吾矣遠近宗族多侍
 腰無不交巨稱頌上手慰賀矣大抵人之疾病由氣而致癰疽則添重䟽鴨則小
 愈郡主自經姐婚事滯思䟽而和氣發危喘更續枯形漸復病勢日減差減
 宛如平夕家中莫不致福於新郎而平之說亦不誣矣荀小姐意益排解如坐針氈而
 成親數日遽爾告別非徒不忍於人情拜辭郡主亦甚缺狀且與桂生相難以來詩
 文無可與相訝者自怜失侶之鴈每羨求友之鸞踟躕三張一身無依加以婚事緝
 繡身立悲涼撫迹與悼顧影潛嗟況憂未紓好懷苦解而况親庭消息又
 隔矢石之間呂家惡緣難逃網羅之中一念酸辛愁悵畏約之心羈旅之限
 索無以自遣而薛小姐星眸月嬋對之則忘憂蕙心蘭情接之則起敬論詩則眼
 空千古語事則智周萬物雖無伉儷之義亦有朋友之情繡帷香閨寢處與
 共月花旦佳句相酬暫偷一時之閒頓忘久客之苦若莊周夢化為蝶栩栩然

飛而不知其周也。一旦遷就，決情之所在，勢固狀矣。雖狀男女相反，陰陽自別，嬰武雖能人語而不雉，爲也。猶猴雖假人形而終是猿也，不可蔽人耳。而掩人目也。初則一家以郡主所患，蒼黃擾攘，未及覺察，故荀小姐得免。他人之疑，而蓋男女之間，大慾雖存，情誼未熟，面目猶生，則猶不無廉恥之心。愧怍之態矣。及其同寢之後，共浴之久，則自狀有歡昵之私，固人情也。荀小姐雖工於掩迹，巧於迷人，傍觀之惑，烏可免乎？右左侍婢微察氣色，畫則雖如情密之夫婦，夜則還似分踈之主客。薛小姐乳母不能無疑於心，密問於床下，使喚之小鬟曰：「吾小姐與新郎就床之後，有何言語？」小鬟曰：「相公與小姐日相對共吐文談，而上床之後，雖未知其所寢，與否別無酬酢之談話矣。乳母憂疑轉切，以此意密告於郡主。」大驚曰：「現渠兩間，或微之色，似有相愛至情，而汝言如此，極可愕也。」桂郎氣質清弱，得非有疾病耶？即招小姐，悉屏侍人以乳母之言詰之。且曰：「情莫大於母女親，莫重於母女汝，設有難言之事，母隱于我也。小姐兩臉微紅，不敢仰對，良久始出如縷之聲曰：『姻言是也。』」郡主駭懼，吳婦

之情始雖續密而終不可信也桂即燕甫之初猶尚如此百年偕老何望也可小姐
 曰桂郎之情果似鄭重而不知其間有何故也郡主曰狀則汝未可以善辭婉語
 試探其意耶小姐曰此非可問之事何敢開口乎郡主曰夫妻之間雖有甚於此者
 何嫌之有小姐曰母雖令入也亦不敢辭當觀勢試之甫是日之夜丙人對坐辭小
 姐含語不吐凝思如凝忽開硯濡毫細寫絕句一首於小牋即低首不言如不自
 容荀小姐心竊恠之轉身就見其詩曰

月暗香消午夜鍾元央相並睡花羞朝來宛轉粧臺側一點依狀臂上紅

荀小姐吟咏頗久以為可笑以為切悶即步其韻書於紙尾其詩曰

秉燭留連到曉鍾病來無意賞芳叢東君待我重來約莫遣狂風罷軟紅

荀小姐巧飾好語而言曰娘之致疑固其宜也我之情別無他意當初必欲稟告
 家親後成礼矣岳母於病中命之曰我欲速行大礼者欲以托孤兒之身去欲以保
 寡婦之門戶也非出於兒女之私情也蓋其所望者重所慮者深尊命不可違越
 盛意不可孤負不得不勉成婚而顧今日之亂念案犯專輒之罪甚失人子

之道自省于心有覲其面舍大義而強行親事蓋循從權之命也與娘子不同寢
席欲表不安之心也其情義之薄見愛之疎乎此外亦有別樣懷抱娘子後當
知矣薛小姐對曰母親過慮令我微探故不得以詩句明意而令人羞愧直欲死
耳願即君俯察為母之故曲諒非我之失勿妾之過濫為罪是所望也語罷踟
躇不能起久而後入告此意於郡主曰桂郎所執者禮也所托者義也不可強謂
之外飾狀少年夫婦當夜各寢吾恐其情義之淺也姐曰桂郎又云此外又有隱
懷不同吐說此言必是托辭也郡主驚曰恠哉有何可諱之事而夫婦之間隱而不
發耶棄械問未為不可也小姐曰桂郎常時對人言笑自若猶爾徘徊悵時三咄
嘆有羞不勝憂愁者矣人跡近前則輒改容戚悲強出和色其中淺深未
易窺也小女之意當初桂郎詩中橫笛樓高正斷腸者有無限思人之意或恐
因此而狀也郡主方悟曰我固忘也若狀則汝之前程尤可慮也小姐曰雖如此
能如彼徐觀前頭則可知矣

冷伉儷灑血涕淚生面目爭真姓名

荀小姐此後踪跡難便去留俱碍而事端將露狼狽可虞過數日後告於郡主曰會試已迫將欲觀光矣郡主曰此去京城不甚相遠雖徐行亦未晚矣荀小姐曰京之後當備科場凡具今雖散行亦恐太緩試後當即回還矣郡主亦日望桂生得志也故不為強留路費留資及場屋諸需各備給且命家丁餘人使之倍往荀小姐曰鞍馬撼頓不如舟楫之便棲歇取水路而去不必多人且帶來奴僕足供使令何必多辜駒奴僕被人指點郡主累劝而荀小姐固讓却之遂告辭於郡主、張狀揮泪曰自得賢郎慰此老懷即今遠行奈此別意何春園大捷指日可期賢郎插花早做使門蘭色也荀小姐俯首而輓退臥於寢室與薛小姐相別薛小姐新婚之餘遠別之情不可言語以形容荀小姐自念一別太遲再合無緣身如珍毛彩羽未知竟入於誰家籠中悲死生之永訣愴音容之將阻芳魂暗消柔腸寸斷不覺嗚咽之聲自出於口遂把玉手只事未盡科第難望而既叅教解不容中廢茲與娘子作此遠別情不自抑泪亦自墮古人所謂丈夫非無泪不灑離別間者誠虛語也薛小姐掩涕而對曰遠涉江湖請加餐飯

蘭姐留別薛小姐蘭芝之家朱說爲來經過之事改着女服將欲移步蘭芝跪
奏小姐作此一場戲事他日郡主若有所問將何以對之乎薛小姐曰事多倥傯我未
及思也即書兩札付授蘭芝曰郡主尋我不得必詰於汝須以此書納之與朱氏
共拜河南李家此時呂生得其父書有曰荀侍郎爲之許婚汝自擇吉行禮呂生
大喜使家人往深荀小姐消息家人還報曰荀小姐已向皇都矣俄聞荀小姐在路
見侍郎之書簡還做李家矣呂生方欲卜日已報之而已又傳言荀小姐病瘧中
路未及還矣呂旋切憂疑生問姐之還來而未得的報恐小姐出變詐之計日夜
深念遂走家丁探問於沿江道路舟人等皆曰荀侍郎宅內行方欲調病淹留於
開封府城中矣呂家蒼頭轉向府中遍求廣詢而終未得尋踪還報呂生、
大怒叱退蒼頭更欲急送他僕忽聞荀小姐已還矣呂生喜不自勝遂擇吉
日使張婆傳於荀家小姐聞張婆之到門使侍兒召之張婆拜謁於堂下仍
告呂家擇日送嫁之意小姐徐荅曰呂承相及吾家四親皆在遠地呂公子以爲更
有何人可主婚事而擇吉如是促迫耶張婆對曰承相與老爺曾已定婚通於今

使即行禮故公子日望小姐之還故老爺亦豈無書於小姐手前小姐對曰父親書中雖累及此意而父親方在死生之境來頭之事未可逆料小女恨不能以身代之方為涕泣度日欲以死報生我之見人子至情何暇念及於婚事乎父親罪名未及伸雪則雖過十年決不可從也語畢神色凜然張婆自知其無可奈何故報呂生曰極為悶狀而計無所出使多辯之媒婆或贊之以勢或息之以誠而省小姐終始堅守不動声色斥之甚截揮之甚確呂生計窮辭竭莫知所為奉書於其父惟望速得侍郎之還朝矣時桂生雖曰父命入於國子監自七月免捷之後省家消息如隔弱水心緒繞結不可以解復請京師之行山人曰今汝往河南自河南轉而京城則可惜之光陰當虛送於路上矣會試科工何時可做汝之文章雖有才情尚欠純熟且徒恃小才不習科業即汝父之所以敗者也汝須以乃父為戒專其意真業處於深靜寺或讀經史或習詩賦鳴驚人豈非大丈夫之事乎近聞汝神思忽亡色淒淒若有係着之處是必省家女子之故也省侍郎卒無職見且多俗態自當初大嫌吾家之貧窶不尊亡室之遺言况與呂相約婚乎豈肯舍丞相

之富而取寒士之貧哉荀家之好緣雖絕書中之玉女可得汝湏慎無失身名
桂生承此訓誨何敢不從自此勉自寬抑安心讀書只自對案傷神掩卷流涕
而已轉頭之間新春已屆桂生正欲收拾行裝將向京師適會魏公移拜兵部尚書
賔召甚急魏公欲與之同行久之曰吾老矣無復有斯志之念退守樊牖乃令
宜而非但與之分路情所不忍且與兒子偕往則必絕望於故鄉而專心於科業矣
三人時西行及至洛下火僑居於城中遂送一枝於近京山寺使之溫緝旧業
矣而已入塲較芸桂生三塲之作皆點朱衣之頭榜出為第三名聲華藉甚
時義陽郡主欲知婿郎之得失命送蒼頭探其的報薛小姐付一封書簡數
襲春衣俾令刻日回來蒼頭入京科榜已出矣歷遍街巷訪一枝所在一日桂
老爺才已登第汝何以相公呼之耶蒼頭知桂生之決科大笑曰桂老爺即我
主人之婿即其依幕在於何處耶其人曰方住於朝陽門內第三街頭矣因指
示其家蒼頭呼門童而語之曰我即開封府郡主宅奴子也須速入告於桂
老爺門童不知其何許人即告桂生曰其人必尋他人而誤到於此也第更

問之門童出言於蒼頭曰吾桂老爺於開封府本無相識之人必有與吾老爺同名者而汝誤訪之也蒼頭曰老爺姓名即桂一枝耶門童曰狀矣蒼頭曰桂一枝老爺即臺郡王娘之婿即豈有誤訪之理乎門童笑曰吾老爺尚未娶室信有同名之人也蒼頭又曰吾桂老爺本以洛陽之人去年為南京鄉試壯元月為吾主宅婿即而要見會試頃今京師汝何以自誤來耶門童聞其言皆有條理殊以為恠以蒼頭之言告於桂生父子一時大笑曰此必狂人蒼頭立於門外聞其笑聲甚悶鬱鬱而高聲曰吾姐所送書簡衣服皆在於此伏望桂老爺暫時出來桂生聞封書衣服之說又撫掌而笑欲見其狂人狀曳履而出時日將曛黑不能下人之容且桂生面目本與荀小姐一般蒼頭趨進拜謁奉納一封書曰此小姐之札也桂生曰我曾不見汝汝不知我而為如此可嘆之狀何也蒼頭仰面詳視大驚退立曰其果誤指也此老爺家與吾家相公彷彿日若愈昏則不可下矣仍伏地曰敢問洛陽桂一枝相公在否何過耶桂生告我固是也蒼頭掉頭曰老爺無欺我也老爺雖似吾家相公小豈不能解見乎即出門而去又遍訪桂生依幕行路之人無指示而千人言萬口談

皆渠所到之家也蒼頭終不覺詔狂馳疾走正如蠱狐之人中夜突奔於棘林山谷之間冒夜顛蹣心疲足滿而莫追其形影待曉還敝此時北夷充斥侵掠過頭天子憂之將擢出師以魏公爲大將往討之魏公受命統戎又欲與火偕往而恐火不肖躬來而畏火遂諾魏公大喜同出北塞山人累建奇策大破胡騎斬萬餘級所護牛馬駝駱軍資兵器無數胡兵奔走救死且遇劉都督大軍追襲大擊虜獲甚多兩路軍各奏捷書天子嘉之以魏公首功進拜太子太傅劉督都以下諸將以次論賞呂丞相奏曰尚書王國臣侍郎荀景華以白衣從軍俱有勲勞仍目錄用以勅他人天子許之即詔各除卒職一級荀公亦拜光祿卿隨諸將士同時還朝天子召見魏公親褒大功魏尚書帖席奏曰此國家之福諸臣之力小臣何爲臣親友桂冬榮即河南人也有文章多智略臣引爲參謀資其妙策累破賊陣終成大捷臣不敢掩人之功謹具奏達矣天子曰使抱才之人虛老於草野此有司之過也詔吏部除清晏之職吏部即拜監察御史山人曰我本無意於功名見既得於青雲奔走薄宦亦足羞也上表累辭言其切至天子嘉其恬退之節許通其

賤名俞加優賞以酬其功時荀公京謝恩來見山人賀其父子俱享顯榮且見
 呂丞相謝前後力救之恩丞相曰皆出聖見安用私謝且公北征之時幸許結婚
 即通於小子使之成礼小子以此意報於令姐則令姐曰父親方冒危遠適人子情
 敢言婚媾之樂事乎堅執不從小子欲就訟於老丈夫方在膝下今公既還朝亦
 子年方十九令姐亦過二八惟公速定婚而毋失芳時荀公曰生其時亦走書於小兒使
 即成礼矣不用父命終始固讓宗未之臆也今公子方侍相公之側寧來小女行礼於
 京第則无好矣丞相曰尊言可矣荀公還家即裁書於小姐使與朱氏上來時荀
 小姐聞桂生之大捷及荀公之還朝一喜深用自慰即修兩書俞家僮送之矣
 俄見父親之書方欲作行：未發適患小恙姑待差復矣

發書緘似夢新覺 薦禁齋以德報見

一日荀公官閑無事邀少人父子進酒饌話情素荀公見一妓容色豐艷前比愈
 羨氣度不凡風彩襲人時啓如秋之扇以吐懸河之辯言如貫珠響如叩玉誠韻格超
 詣之才早歲占科將成大器荀公倍歡愛恨不結婚不勝悔悞之心矣會家人進封

書曰家子自河南至矣荀公受以拆之有三張書三札則荀公自見一札則攝置座傍覽畢面見則其一札則納於柱父老叔座下荀公即傳與柱父拆見其書曰

小姪荀纖素百拜頓首謹上于老叔父柱父案下別尊顏歲月累換瞻慕之誠欲言則長伏聞表兄大捷荆圍榮耀輝赫此天之所以報施於叔父也門閭之慶行路亦稱而唯南遼夏未由獻賀下懷悵缺何可勝達小姪夙蒙大教篤之見義篤師弟情同父母所望者此身他日或有報德之路矣小姪誠微禽薄事不如意此神明降罰于妾身也言之何補怨之何益狀小姪嘗過同封府偶聞薛侯賓女子之叔羨欲表兄為之作媒遲留累日密問細探則其女子之姿色德行而立所罕有事當稟訟於大府而往復數千里之降必為疾足者所得故小姪不得已着男子之衣服借表兄之姓名既經納幣之儀又行合卺之禮萬薛家女子有一毫未盡之欠則小姪雖被濫偽孟浪之責而亦所甘心矣蓋欲以酬大父之德而答表兄之情也薛女若侍大府膝下獲蒙撫愛之私則小姪死無憾矣惟大府送媒妁亟成大禮拜謁之期益緬狀惟灑

血泪而已春寒不敵千萬保重

山人見畢嗟嘆曰我只知織素才貌之超在而已豈知其義氣高出於丈夫乎
与荀公一枝同覽而荀公亦嘆不已恨一枝微三泪滴嘿無一語山人曰薛女才自能
下人一等姪女一端厚意寡不可辜况姪女之慧心英眸決不誤見以此言之
薛女必与荀姪無异吾兒雖与織素未成佳緣亦可得義配矣狀姪女之情
事殊可怜也仍噓唏數声荀公頗有不平之心不能成酬酢之語矣人忽狀怡
咲曰前者有一介蒼頭自称開封府邸主宅奴子尋其主人婿即誤到於吾家
吾為狂易之人矣今見姪女之書果苗有脉也一枝曰子其時見其蒼頭言語亂
止非病風之人也是日大歡意遂阻惡撥杯盤山人父子別荀公而來中途遇魏尚
書魏公曰我正欲訪兄矣遂並轡來到山人之寓坐定魏公曰曾在浙中為令郎
語表弟家婚事兄言當觀荀家之形勢而可否矣今聞荀家之婚已屬於他翁
且約兄欲踐之耶山人曰弟方欲窮造門下仰請婚事矣忽有意外之人為之納幣於意
外之家已矣先生盛教恐未仰副矣魏公憫狀曰兄若与荀家結婚則弟宜無言不狀

兄何負約如是容易耶少人曰此間大有異事非弟之無信也先生覽此則可知矣仍自袖出紙書以獻於魏台荀家女子有此至誠其言何可不從乎魏公未及盡見輒有驚疑之色俄又大笑曰桂兄以吾表弟為誰耶即開封府薛伋賓也荀家女子偶於行路中聞侄女之秀美能為如此之作俑耶荀娘可謂女中丈夫也又聞魏公之言益喜之此時薛家蒼頭未及啟還而郡主得見會試榜眼則女婿桂枝為第三名矣喜氣滿家歡聲動地郡主小姐之慶已不可言而親戚村園之歡賀者盈門載路矣而已蒼頭至歷亂今京時所為顛末一據陳郡主大驚曰果是真的則新及第桂枝非吾家婿郎也天下固多同名之人但依一河南府豈有兩桂枝乎且南京鄉試豈有兩杜元乎汝必錯認而來蒼頭曰人不惟往問於桂相公依幕長安城中無數里巷何處不到何家不問而有口者皆說一老翁有手者皆指一依幕矣郡主大疑半餉深思曰桂郎頃在吾家之時氣色異常無乃富貴之後倖生不義之心將欲圖報倖者不知乎立問豈有如是薄行之人乎蒼頭又告曰小人見其相公與桂相公無異佛矣郡主曰若狀則彼此兩人中必有假名借形藏蹤匿影者矣必桂郎咎

永棄吾女敢以自家之身詐冒他人之形故出面目以見蒼頭也細絳深惟不得模捉小姐潛度曰桂郎斷非假名 人輩也此事必有難測之端久則可知矣郡主忽怡曰桂郎婚事不曰趙家老婆而成之招問則有可立矣矣侯即召蘭芝來謁方欲說前後曲折矣蘭芝曰此有一封書簡娘卡覽則可知其首末矣自懷中微手書以進郡主拆見其書曰

門下得罪人荀織素謹倫沐百拜冒危抱羞謹上於郡主娘座小妾織素奉侍郎荀景華之女也亡母生時小妾婚事宜於同鄉桂姓子一枝即小妾之表兄也平生自知為桂家之婦矣小妾身命太畸慈母棄立人事亦隨以大變為權門所副父親不得已許婚此宿緣淺而魔妖戲也小妾何敢有怨天之心乎狀小妾自幼學書於桂姓士教訓之見家同怙恃且與表兄同事筆硯相得於文字間而若真遊交也今者雖不得以身事之報恩之心日夜耿耿矣小妾頃日偶過玉清觀飽聞小姐幽閑之德秀麗之容欲為表兄習作媒妁蓋昔徐元直將赴曹軍薦卧龍於昭烈君臣男女其義雖殊若其盡誠面報心豈異哉初意欲則躬

進門下為薦桂兄矣。旋聞娘必欲觀試文章以之進退。敢以庸才代綴荒詞。不意娘幸垂分外之嘉獎。若因此而得蒙門郎之諾。則牢定即是。所自期而娘又欲親見容。只事誠迫矣。路轉窮矣。乃敢以綺紉之所冒書生之冠服。以闖閤之跡。借桂兄之姓名。忝入門館。厚被眷禮。因以由成。大自淺入。深心跡狼狽。事機支悞。夫豈樂為是哉。誠出不獲已矣。每念及令人毛骨悚而愧汗添也。小妾雖有斯罔之罪。娘若寬假。不錄其過。則小妾當以一言為娘拚賀矣。荷則表兄桂枝累代華閥。芸苑奇才。以曹植之文章。兼潘衡之秀。只謙恭其志也。溫潤其德也。誠夢錦之才。士如也。王之君子也。異日若不得壯元探花。若未踏金馬玉堂。小妾當扶眼以謝。不知人之罪也。娘。雖求於天下。不必有賢於此者。以此言之。則小妾此氣不獨為表兄而已。況小姐既與桂生不期而相見。無心而唱和上帝之意。未必在於其間。是豈人媒之所可為哉。小妾若以此意報於桂兄父子。則小妾之言彼豈不信也。他時桂兄自致青雲。小姐坐享富貴。膺百年無疆之福樂。三生不尽之緣也。幸毋忘媒之功焉。嗟呼薄命之妾。危若弱綿。

此身雖欲更拜於娘及小姐何可易也回望秦樓如在天上數月見愛一夢依稀
臨牋泪落不知所云

郡主覽其書情悅色沮蘭芝伏謝曰小人不該違背小姐之命未能直告惟娘
生死之郡主曰此非汝之罪也汝頃安心更把其書詳見一遍亟加嘆咄曰離舌之節俠
何以過此狀欺人何其太甚耶顧問於小姐曰荀氏書中所謂不期相見無心唱和
等說何謂也此時薛小姐方寸攪亂若墜深坑久而對曰此言是也去春小女往于
玉清之時前導與書生相詰故小女偶見其父矣貞玄言其書生題詩於小女
像簇子而去矣小女偶次其韻題其尾矣郡主曰汝既見桂郎則荀與桂何以不字乎小
姐謔曰妾意猶酷似荀氏其序文中有曾見小女画像之語故小女信之不疑也郡主
曰既往之事雖悔曷追桂生既已登第且其容貌無異於荀氏云若狀則誠佳士矣
何所取於寡婦之家而欲与之結婚乎前日荀氏之幣有不足憑也此事將何以處
之耶蘭芝曰娘無慮焉荀小姐為桂相公之誠可質於天地鬼神桂郎處士豈不為
之感動而有所持難乎此婚事可無憂矣郡主聞此言心神稍定似有和平之色

蘭芝又出一封小紙納於薛小姐曰使小人敬納矣薛小姐聞見則非書札細書絕句一首於其下曰小妹省纖素頓首再拜云天詩曰

巖花寒梅不及春自甘零落委黃原東風院裡梨花夢當續南枝已斷魂

薛小姐見罷柳眉乍顰玉筋迸落嗚咽而言曰悲哉省小姐之情也義氣如此容只如此而以貞信之節包哀怨之情以女意言之見荀氏不必托身於柵門而自捐其身以表其心問於蘭芝曰荀氏書中略氣其槩而桂家之約何以背之柵貴之門何所擅汝其詳言以解我疑蘭芝備陳前後曲折且告白所謂柵門即當朝呂丞相也郡主曰呂丞相柵勢誠可惧也而荀侍郎以如許之女子欲賣於富貴之家不思之甚矣薛小姐泫嘿端坐若有所思者矣告於郡主曰小女兒時陪母親而往于皇都時時見有年弱公主未知無恙否郡主曰其公主昭德宮萬貴妃出也去年以公主之長成正當下嫁之時方大起宮闕求異花奇草於外方故吾梁府亦輦送恠石及牧丹汝未之知耶小姐曰此宮果為此公主而作也想其年歲不及小女必未及下嫁也郡主曰年歲則可合於下嫁而自國家別擇駙馬則此兩封府年女子弟亦不獲選

豈無所聞耶小姐曰女有事欲叙於母親矣郡主曰何事耶小姐曰荀氏明慧之心志卓犖之義氣令人誠服清新之文章艷潔之容只在古亦罕有其窮迫之蹤惡同之情言之於悒見此人之危危而不思拯救之道則豈非荀氏之罪乎小女將向京覲見大長公主面借言之方拔出荀氏之身欲與各眉共事桂生矣郡主曰汝言雖好將以何策救荀氏乎小姐曰小女欲往說公主如此矣郡主曰汝以義氣為重母於汝者為立俗之言難矣是亦慈愛之情也荀氏才與自非他人所及且與桂生結死生之恩情義卒不尋常汝欲與彼同事入恐不利於汝也小姐曰小女見荀氏其人最重義俠必不忘人之見小女若成此計則荀氏必欲為小女一死豈有爭寵色妬之心哉郡主曰汝意若此吾固不塞汝以女子之身難作千里之行以書通意未為不可小姐曰此事不可以書札面之且小緩則計不成矣欲以明日發行郡主曰能得公主之快諾安知貴妃之必從乎恐汝之泄費心力事不成矣小姐曰惟力所及尽心為之成敗非所論也雖未成功此心可質於神祇郡主大亦嘉小姐之誠款餽車馬選徒隸送小姐入京師薛小姐星夜催行至大長公主第使闖者通之公主聞薛小姐至驚曰聞方且

婚矣。同何緊事而作此遠行耶。即命宮女迎小姐。禮拜如儀。跪以郡主之言。問候於公主。賜坐。其側曰。不相見已累春秋矣。只有思想而已矣。汝既長成。容貌最美。足以老慰人之懷也。汝之老親平安否。汝同何事遠來耶。小姐曰。老母喪。憾之餘。疾病甚苦。而幸蒙娘之軫念。姑此保全。小兒來此。蓋因有事。而惟望娘之宣力而成就之。公主曰。所幹何事耶。小姐把荀小姐事陳其首尾。且曰。救荀氏之命。副小女之願。都在於娘之言。伏望娘積善而已。公主噴。嗟。嘆曰。奇哉。是事。荀氏方遇屯難之厄。而小兒欲以大義救之。小兒之高義。尤不可量也。朕我以何言能救荀耶。氏小姐曰。娘若肯諾則如此。何如。公主大稱曰。汝非但有高義智計。亦過人也。今月二十日。即昭德宮萬貴妃生辰。我當入廟與宴。得失間當以汝言試之矣。因留小姐於宮中。至其日。與皇親國戚同入大內。獻賀於貴妃。各有所賚。珍寶美饌矣。大長公主即皇帝姑母。尊貴無二。且其聰明。睿知。無所不達。皇帝益敬信之。萬貴妃謝曰。賤降之貴。主忌勞辱。臨且貴厚幣。案切感激。公主曰。每欲入來敬修起居禮於皇上。無拜尊顏。而老

身多病若無情者狀尋常悵悵而已貴妃曰欲以書札微誠者久矣近聞皇上長在未宥中賤身晝夜侍側自爾無暇有計莫遂矣皇上自數日平復出臨外殿慶幸曷極公主曰皇太子不幸之後迄無繞電之祥耶貴妃曰賤質有病年既衰遲更無可望而只有女才已成長氣質本來清弱日者亦稱有厄故方出居西苑不得源之相見矣公主曰一國臣民之期望只在娘之林多蘭之慶身上設有小疾恙皇天祖宗必垂嘿依豈終無誕育之慶耶翁主吉禮定於誰家耶貴妃曰姑無定處欲得似渠之佳配矣公主曰偏荷娘之眷愛誠固不淺茲有一言欲陳而未知娘之意如何耳貴妃曰貴主何以出此言耶母論事之小言之淺深惟望明教也公主曰皇上春秋已高疾病頗頻娘且無皇子只有翁主一人而已愚意則翁主吉禮必擇定於群臣中尊重之家則似合似宜矣貴妃大覺謝而對曰貴主之言誠如金石當曰於皇上揀選勲臣外戚之內矣公主曰此言可笑勲臣爵位雖高不得秉政於朝廷外戚徒享富貴而已不足以重娘母女矣愚意則當今天子之所信任百官之所畏服莫

如呂丞相有子而年未及於弱冠其為人聰達俊秀當立人娘若與呂家結婚則雖天地翻覆當高枕而無憂矣貴妃大悟於心而起謝曰貴主一言能開茅塞之心感激深深謹奉教矣是夜貴妃以欲與呂家結親之意奏於皇上帝曰朕意亦如此後日當下諭於呂相矣

合宴宴才兒三團圓 採花郎紅白兩奇絕

大長公主知貴妃之已受皇上快諾之言還故宮中言於小姐僕拜謝薛小姐所願既成方欲辭故公主曰久睽之餘幸得相會而汝行甚忙我懷如何以姑留之意書報於汝母親乍留吾家以慰岑寂小姐承命與公主各修書簡曉送蒼頭此時荀小姐病勢已差與朱氏同行至開封府忽憶往事悠悠有感傷之意欲一見郡主及薛小姐以謝前日之罪歷入蘭芝之家問曰近間郡主及薛小姐皆無恙而我之書札其時即傳致否蘭芝以小姐去後事悉告於小姐且曰郡主平安小姐曾往京師云而莫知何事而遠行矣小姐曰薛小姐上京之由汝雖不知而但桂兄婚事郡主將欲何以處之耶蘭芝曰當初我小姐

冒稱桂官人時特一書生也郡主尚且撫愛之不暇況今桂官人已作貴人豈不喜哉
 但以未知桂官人之意為心慮矣小姐曰我之來此欲見薛小姐而告別尔小姐雖不在不
 可不往拜於郡主汝須先往報我之來蘭芝受命即往告于郡主聞荀小姐來
 大喜先送宮女回其安否且傳掃席企待之意小姐即至郡主宅前小住回舍
 使侍婢稟於郡主小妾曰於門下多有得罪之事故其罪則以客禮入謁不
 赦則當負荆而請罪矣郡主使宮女傳語曰此何言也惟望速臨小姐不累
 度稱罪郡主使宮女送言曰此京外之事何如是固讓耶即賜光臨毋孤
 懸之望荀小姐遂以子侄禮見於郡主避席俯伏而重謝欺瞞之罪郡主答
 謝曰寡居之人無所見聞每恐不謹甥館之選誤却女兒之身矣幸賴小姐
 之智謀庶幾與新貴結親老身方且盛稱小女之大見此豈為小姐之罪哉第
 未知桂家婚事果無可慮者乎小姐曰娘無用過慮小妾曾以此事通於桂處士
 極其歡喜桂生之意亦與處士同而尚未及下末成礼者蓋由待殿試也郡主
 聞積慮頓釋心肝始豁然矣荀小姐曰小妾與小姐將為永訣固欲一別而未矣

小姐何事而作遠地之行耶郡主曰小女入京之事姑且置之娘子此行得非
為觀親乎荀小姐曰狀郡王曰小姐所留之札与小女同看景小姐之尚義悲小
姐之失所母女相對為之酸辛矣觀親之外抑別有他事乎荀小姐嘆感曰以
有他事小妾之命如朝露矣空言無補惟娘更無提起也小妾与小姐同
處者半月矣知己之情有愈於骨肉矣更未相見將作永訣終身之恨更
無可解之日矣淚垂言前著裙尽濕郡主亦不勝悲哀曰小女思娘子之心
亦如娘子之思小女也小女謂我曰若与荀娘子同事一人則平生可無未盡之
恨不審娘子之情亦如此否荀小姐長嘆曰此事亦小妾寤寐所願而小妾之
身命不与小姐矣同此之於花或有飛落於錦筵者或有飄粘於泥者人之
苦樂榮辱亦如此矣為之奈何郡主曰娘之誤婚之家有大富貴大柵勢豈可比
於泥乎荀小姐曰小妾薄福恐不得享其富貴矣郡主曰娘之心雖与小女相
同我亦思之卓文君不容於茂陵之女而吟成白頭君夫人一見邢夫人而至於涕泣
此人情之所不免也大抵一家兩人同事一人者不小始則何嘗有期於嫉妬而

終為園囿之內，劔戟森列，衽席之上，戈矛各堅，而丈夫見情，未必長留於一死，纖芥之怨，轉成讎，冤密勿之情，漸至全踈，豈不信哉？古人有言曰：「女同居，其心不一。」斯言誠狀矣。荀小姐曰：「貴主之論，知立俗女子之情，曲盡無餘蘊矣。若非脫俗超世之女子，不可以尋常矩律論之也。」娥皇女英生而共事大舜，死而同死，蒼梧至今斑竹之上，斑斑有二妃之淚痕，此何以與文君邢尹並論哉？郡主曰：「娘之虛論，足使人意暢而心豁矣。昨日家丁自小兒處來到，傳書其中娘，有可觀說話。」娘欲見否？荀小姐曰：「小姐容顏既未得見，若見其手迹，則足瀉意慕之懷也。」郡主自函中出一書，以授小姐，見之則其槩曰：「公主娘，為小女親入大內，而掉三寸舌，開陳利害，悟貴妃之意，受皇上之詔，以救荀氏之危，是以成小女之情願。人之所欲，天必從之者，過信矣。其餘貴主安寧之言，公主挽逆之意也。荀小姐再三閱覽，莫知其由，告于郡主，曰：「薛娘子書中有為救小妾之言，而小妾愚闇，終未解得伏望娘詔之。」郡主曰：「此言可加見於娘子，安坐詳聞我言。」小女頃見娘子抵老身之書，嗚咽，悲不自勝，以為我不忍徇事桂郎矣。即入

皇都見大長公主以如此等說萬貴妃皇上之意既已牢定分付朝廷
卜行嘉禮不過為次第執行之事也豈非向娘子可賀之者乎荀小姐聽
未半淚下如雨不成語音良久乃起再拜而謝曰生我者父母活我者娘與
薛小姐也雖粉骨糜身磨項放踵何以報此恩也但貴妃之意終不變歟
郡主曰似無甚處也公主雖為小女往說貴妃其宗忠於貴妃之言也何處
變改於中道乎仍令侍婢進酒饌以賀荀小姐曰老身又有一語娘子悲怜之
老身血屬惟此一女而已渠之容兒徑以渭濁京人所嘆自今日小兒之身永托於
娘子惟娘子抑其不滿之心補其不足之處歲垢匿瑕掩短揚長毋令得罪於
夫家即老身日夜之望也荀小姐又起拜而謝曰娘、猶此致疑於小妾耶薛娘
子之恩已浹於小妾之骨髓雖執鞭鐙亦難報效小妾方欲以身托之於薛
小姐娘、何以有此教耶雖朕今日之教謹當毋忘於死生矣郡主又謝而言曰娘
子之行及至京師則呂家之事已出場矣且桂妃父子時在禁中下女兒亦方
留於公主宅中老身欲與娘子同入京襄並行桂家婚事於一時矣郡主

媿欣願之色可掬矣明日郡王与荀小姐並輜而行及至京城郡王向大長公主
 宮中荀小姐入侍郎之第侍郎父女相逢於久闊之餘其情之悲喜如何時桂
 生入殿試又占第三探花除翰林編修名從聳動一時矣時翁主吉礼天子
 久下教於臣隣宮中事密外人不知矣吕丞相家聞荀小姐來到日促婚期
 荀侍郎亦整齊婚具以待吉日矣荀小姐不敢以所聞於郡王者煩告於父親
 惟恐好事不成佳緣終阻廢食廢寢若存若無一日荀公退朝而回未及
 脫袍召織素謂之曰吾之定婚於吕家非我本心也迫於不得已之勢也每見
 汝顏色帶愁我心如割今日從中皇上許以明顯翁主下嫁於吕承相之子吾
 兒當自斂於桂家吾門之慶孰大於此荀小姐聞其父親之言蘊蓄喜心而
 惟仰答曰父親曰小女婚事過費心念小女安得而安心乎朱氏等家人攢
 手稱賀於小姐荀公言於小姐曰今則桂家之婚更無可疑但桂姪既已定婚於
 薛女与薛女同故桂郎於汝心何如小姐曰此小女中心之願也荀公即往見桂山
 人定婚而斂兩家共債大家寧隔内外郡王居於内省公處於外而至吉

兩小姐備宮樣粧紫金飾玉雕花鏤葉以待新郎之奠鴈矣桂翰林着萬
縷之服乘八人之轎衆樂各奏萬人爭隨至其家與兩小姐行交拜之禮魏
尚書呂丞相皆在賀客之列矣禮畢三人共入洞房列席而坐荀小姐婢妍之
態驚見別後之芳容薛小姐婢嫻之質移來簾上之生面翰林左顧右盼疲
於應接仍設合卺之宴萬古三絕色俱萃於一家四海三才子同會於一室如
其奇也如其美也兩小姐蓋同年而荀小姐為一月長故為姐薛小姐
為妹弟翰林是夜與荀小姐共寢翌夜與薛小姐同樂旧情愈密新歡更篤
自有男女以來快樂之事會合之奇無此之比也薛夫人賀荀夫人曰婚姻之
賀於禮不可姐不改貞操自全清節古來之有也敢不奉一言以賀乎荀夫
人曰此皆賢妹之賜也欲報之德山高海深惟願白首同居以終此生矣薛夫
人歛衽而謝之兩夫人行新婦之禮並謁於桂處士處士見夫人姿色少無上下
慈愛切至荀公之喜邸主之情江海亦淺一時有子之家育女之人亦莫不欽
艷薛夫人對鏡離粧荀夫人就而笑曰妹賢臂上點之紅尚不改乎薛夫人曰言之

可慚姐勿說已往之事相與歡詭翰林適自外而入見兩夫人相戲來問其故荀夫人仍說旧事自香囊中出薛夫人所作絕句一首以示翰林薛夫人敷紅於面奪其詩手別衣之翰林大笑而謂荀夫人曰其時夫人以何辭答之耶荀夫人曰有屈之心不敢以言語對之強次其韻以示意耳仍誦之翰林曰兩詩俱佳而今日亦不可無二吟矣荀夫人曰唯使侍兒磨墨披箋又次前韻詩曰

婦影深繡幕中雲鬟懶整綠叢叢應將楚峽三更雨却洗香飢一段紅

翰林見其詩亟稱且咲薛夫人曰姐之為小妹不掩醜拙乃反暴揚於郎君非母親托小妹於姐之意也翰林曰此國中美事何害之有我為兩夫人當作一詩題絕句一首其詩曰

冷霄月色昨霄風香作雲籠錦作叢自笑探花閑不得絕開素艷又媽紅
翰林勸薛夫人步之薛夫人又次其詩曰

晨搖玉佩香玲瓏倚遍新芳兩最睡起雲鬟懶不整愧將双臉較軟紅
三人並坐傳玩諧笑琅荀夫人見翰林末句自覺前日之事而言曰吾兩人

曾陪大人時大人指紅白牡丹使之各賦一詩而到今思之正與今日之事相合
詩之有應有如是夫似非無心也翰林頓悟曰大人以吾詩謂有金馬玉堂之
氣像今我以不才立揚顯榮且得兩夫人以應其末句之意以夫人之詩謂
有謙退之德而今日與薛夫人同栖室有撫謙退遜之意與詩意暗合豈
不妙哉所謂詩出性情者信有徵矣荀夫人曰妾當時偶作其詩愧其不稱
於妾之行矣由今觀之有若為薛夫人作狀者信乎奇哉即寫其詩以示薛
夫人仍歷誦玉清觀画像兩詩及寄薛夫人詩翠香閣序歎息與悲翰林
慰之曰自古才子佳人必有可傳之美談不過三事而也夫人視相門富貴如
糞土自決死生終得相從之一片芳心薛夫人一從簾隙而相見和題詩許結
緣之雙明眸兩夫人之相薦相救同進同居非古人所企一桂以何福而當此
荀夫人暫笑曰賢妹非狎眼目之明且精通相法能知陳平鄧通之窮達矣
狀不能示男女明眸亦有時乎昏矣薛小姐笑曰小妹之相人如伯樂之相馬惟知
千里馬而已不別雌雄也妍語清諛以送長日自是之後夫婦三人相與敬愛共飾

礼法闺门雍肅父母安樂福祿並臻官爵漸進荀夫人生子一女薛夫人
 生三子郡王取長男親自撫育以傳薛門宗祀桂山人自此却髮弁於立事
 遨遊於山水身立放狂荀公官至正卿桂翰林事弘治皇帝拜吏部尚
 書兼春坊學士以直道輔之天子甚益重之方欲大用矣天子昇遐正德皇
 帝即位朝廷日漸多事矣時桂處士荀尚書皆以天年終尚書謂兩夫人曰昔
 司馬相如挾一文君尚輕漢家爵祿今我家有兩文君而貪惡名利不早娶
 則豈不為相如之罪人乎即日稱病謝官還故鄉時尚書年未四十兩夫人
 春色亦未合矣尚書亭兩夫人至郡主宅留數日欲辭故洛陽薛夫人請於
 尚書曰妾事相公之日長事老母之日短願相公特許妾身留養老母使待百
 年後故事相公則幸孰大焉尚書感其意對曰岳母無侍奉之人夫人有終
 養之願宣拘一時之別不報三春之暉乎惟夫人自為之薛夫人謂荀夫人言
 既受相公之諾留侍老母之側不得與姐偕往此心悠悠何時可已相公必頻來
 契居以存老母而弟與姐將成涸別難懷黯黯如縈素絲唯望敬事相公

保重、握手淒酸不忍相離尚書與荀夫人至洛陽曰居安頓後數果候郡
王起居自此翠香閣便作鳳栖之地矣數年後郡王損去兩夫人始相聚焉
尚書百年治園林飾亭榭日與兩夫人或賞風月或製詩賦偕老至五十餘
年真伉儷間未有之緣天壤中最奇之事也子婿皆躋清要之班宗支
有蕃衍之慶至今河南之人自相傳誦無不稱羨便作傳記以播耳目凡
為婦女而從事嫉妬者見此傳則豈不慚思而有開悟之端乎噫

歲在丙申仲夏初六畢書于梅營海雲堂



